

南
社
叢
選

貫成署





A541 212 0016 5453B

南社叢選

詩選卷七

涇縣胡韞玉樸安選錄

白丁詩選

丁上左字竹蓀號白丁浙江杭縣人今錄詩十首

調亞子用海帆帥韻

一宵欲挽小勾留。偏效鴛鴦宿秀州。皮陸本來爲勝侶。尹邢何事到良儔。料君念切梨花落。恨我交遲桃李投。知否歌場春寂寞。伊誰共泛木蘭舟。

和龍丁華書伉儷唱和詞原韻八絕

誰云春日遲遲好。已見花飛滿院殘。獨坐懶將匿鏡照。癡心惟吟竹平安。愁春頓驚寒食散。輕烟意不如人欲問天。今日樓頭翹首望。最關心是柳絲牽。春愁眠琴莫待綠陰稠。繁富爭誇萬戶侯。儂命不猶時自惋。餘情都付雨中鳩。春怨嬌紅姹紫條。條成空恨煞。飄零楊柳風底事。惱人眠不得。含嗔意在不言中。怨春

一日三秋似軸轡。梧桐葉落滿庭蕪。儂心如菊。猶傲瘦影。孤燈猶伴。吾愁秋若箇。銷魂對月明。照人肺腑。靜無聲。幽蛩未解。深閨意。絮耳階前。徹夜鳴。嗚。秋愁。凱風何故。棘心吹。不語停針。添綫遲。幾度懷人行。役苦。雁來有信。盼歸期。秋怨。紈扇輕捐。昨日非。畫屏冷淡。認依稀。早知萍跡。飄無定。悔却楊花。逐水飛。怨秋。和龍丁留別詩韻卽以贈行

交訂湖山久。今添離別情。賡詩寫愁怨。把酒話平生。摹像佛無量。抽身子獨清。虛心敢師竹。膝薛我母爭。

展庵詩選

丁以布字展庵浙江杭縣人今錄詩九首

湖上卽席酬春航靜庵

南北依稀屹兩峯。如撞大呂應黃鐘。投瓢得句詩懷曠。彈鋏長歌豪氣鍾。朝野略無新伎倆。湖山仍是舊形容。一盃歡飲餘杭酒。樂事年來豈易逢。

亞子招飲湖樓卽席分得虞韻

湖上春回風景殊。綠肥紅瘦到蘼蕪。情懷南社聯吟客。惆悵西冷中酒徒。世態無妨成冷淡。人生難得有糊塗。飄零琴劍成何事。浩蕩胸襟月滿湖。

贈春航用白丁韻

曾記春申一笑逢。曲終江上悵青峯。霓裳自是鳴幽怨。畫筆還教別淡濃。潭水情深人去遠。謂亞子休丘夢冷客尋蹤。西湖灑遍傷春淚。何處緘封寄個儂。

題吹萬傷曇錄

痛哭西河欲喪明。避人忍淚寫哀銘。高夫人以吹萬哀憫失常迫不令復作文最難忘是彌留頃。目

注阿耶噤不聲。

土花低護墓門深。血淚揮殘尙溼襟。我願世人勤子職。莫忘父母育兒心。

題亞子分湖舊隱圖

樓臺平水水平橋。梨里人歸趁短橈。嫩綠新紅遍桃柳。個儂心事付吟瓢。

一水盈盈間越吳。舊居難忘是分湖。兒時蹤跡詩中畫。沙鳥風帆恍有無。

題西泠扶醉照片寄亞子用吹萬韻

相印心心到印泉。雪泥鴻爪總前緣。獨醒我是孤山鶴。來伴花間醉八仙。

題三子遊草次吹萬見贈原韻與三兄不識同賦

故國寂寥塵夢裏。閒遊半月強爲歡。人如蓬梗隨波轉。詩共梅花耐歲寒。我自清狂君自醉。見時容易別時難。還應樂府歌三婦。六逸高風未渺漫。

亮才詩選

周亮字亮才浙江嘉興人今錄詩十七首

悼程蘊秀女士並慰陳西溪先生

分明佳偶自天成。底事良緣各半生。悽絕倚雲樓上夢。年年環繞女兒身。一代風情百不如。何堪舊事話南徐。悼亡灑盡河陽淚。濕透南華一卷書。敦促蕭郎作壯遊。惓懷家國美人愁。陌頭春到垂楊日。不學尋常上翠樓。

梅花一樹遽傷枯。剩有香魂繞綉襦。大好河山光復日。江南愁悵失羅敷。
雄師威克石頭城。壯絕東南十萬兵。夫婿也曾投筆去。蘭言當日記分明。
君自吟詩儂寫來。清閨唱和劇憐才。孤山一語成詩讖。黯絕梅魂喚不回。
湖海元龍正妙年。無端錦瑟悵離絃。節哀記取夫人語。莫向春風聽杜鵑。
一片仁慈天性真。衆生平等豈無因。焚香小婢休輕視。也是蘭姿蕙質人。
鮑妹學成堪慰姊。定知含笑在泉台。文明傳遍新篁里。華表應看化鶴來。
大陸風潮動地來。男兒壯志忍湮埋。休教奉倩神傷盡。好爲宗邦護妙才。

次石庵冬日感懷韻六首

爛嚼蓮心忘是苦。飽嘗梅子不知酸。豈真蜀道難如昔。畢竟鈞天夢未寬。老去
奇書容我讀。歸來長鋏背人彈。河山新歷紅羊劫。慘淡風雲壁上觀。
朔風楚雨斷腸聲。鬱鬱中宵一劍橫。奇氣更從何處洩。新詩慣作不平鳴。江山
搖落騷人感。禾黍蒼涼故國情。社鼠城狐欣起舞。更誰獻策慰羣生。

玉笛梅花訴哀怨。銅駝荆棘臥縱橫。千尋鐵鎖攔江水。一抹愁雲壓古城。煮豆
燃萁成底事。拈蘭證絮不勝情。墓門芳草迷鸚鵡。獨弔洲前禰正平。
聽罷傾城一曲歌。蛾眉謠詠近如何。欲將心事叩天帝。未許情緣惹鬼魔。骯髒
風塵知己少。飄零湖海閱人多。幾時歸共淵明隱。一片飛帆似織梭。
胡天胡帝心如醉。疑雨疑雲夢正濃。漫道將軍工射虎。更無壯士學屠龍。羣空
冀北非凡品。曲譜江南唱懊儂。我欲蓬萊深處去。乘鸞飛上最高風。
草木榮枯一瞬中。可憐世界可憐蟲。魯陽戈未迴斜日。沛下人應歌大風。點綴
乾坤新事業。網羅塵海舊英雄。睡獅喚醒非容易。問殺僧樓報曉鐘。

俠士行

手不斬仇人頭。口不飲仇人血。俠士替天平不平。其情如山心如鐵。山不能搖。
鐵不能折。恩怨莫論。奇氣當洩。來時如迅雷。去時如疾風。踪跡不知所。一劍橫
長虹。屠龍屠狗知多少。說與世人都不曉。狂歌長嘯天地空。明朝且入長安道。

君不聞。秦庭七首博浪椎。報燕報韓知是誰。

天風詩選

譚天字天風浙江嘉興人今錄詩三首

春日書樓消興

儼然九鼎守王家。世業縹緗一郡誇。披卷眼昏剛負曝。作書手顫爲鋤花。天邊雲勢隨風過。樓外嵐光礙竹遮。忽見鶯巢高幾尺。春來又長樹枝桠。

書呈家君作詩示寄書者

一紙三千里。臨歧無限思。君心如不負。我夢亦相隨。遠水魚爭躍。秋風馬脫羈。浮沈雖未定。從此算程期。

雨夜聞雁寄懷族兄希鏗

寂寥風雨夜。孤客若爲情。料得高吟罷。淒然感慨生。文章偏古調。親友僅虛名。獨坐悲懷起。何堪聽雁聲。

道非詩選

沈礪字勉後號道非浙江嘉善人今錄詩五十五首

送窮

任鬼擲揄不送窮。終朝白眼看蒼穹。知交卻在風塵外。相見無非肝膽中。濁世功名歸豎子。中原今古幾英雄。會須立馬昆侖上。散髮披襟唱大風。

濁酒

濁酒秋風弔可兒。鬼雄享我掌中卮。當年楚覆存三戶。此日韓亡奮一椎。只是替人浮大白。更無險著振殘棋。東鄰有女頻窺宋。紅豆玲瓏刻骨思。

送友北上

今日長安昔日倭。遊踪斟酌兩如何。小詞楊柳新傳曲。一抹胭脂媚更多。市上已無屠狗輩。車前試唱飯牛歌。扶搖九萬搏鵬翼。爲辨修羅與大羅。

冒雨遊西湖

零落冬青繫客思。泥人况又雨絲絲。江山已逐厓山去。惆悵西湖佇立時。
拜岳墓

相公一德格蒼天。萬里長城壞昔年。頑鐵鑄形初未料。是非千載墓門前。
湖上聞笛

鐵崖哀感詠紅兜。玉笛春殘十二樓。簌簌短亭花落盡。餘音依舊繞杭州。
展張蒼水墓

青山碧血悵年年。蒼水孤忠日月懸。于墓岳祠分鼎足。西湖一勺峙三賢。
虎丘弔闔閭

真娘聲價豔千秋。多少新詩詠虎丘。誰重闔閭埋骨地。清明寒食奠椒餹。
治塚偏勞千萬人。頌池銀槩畀幽神。祖龍發後赤烏發。地下財多尙累身。
吳中雜詠

仗劍輕生慷慨歌。湛盧飛去近如何。要離塚外五人塚。猶占吳門俠氣多。

弱宮人盡作貌貅。劍氣蕭蕭吳苑秋。其奈嗣君輕尙武。祇憐妃子捧心愁。
走狗塘前芳草碧。養魚城外晚風涼。胡塵滿地且休問。小集名流宴辟疆。

狂歌行

既不甘穀。棘如馬牛。又不堪冠帶。效沐猴。許身當爲稷契。得志無須王侯。丈夫
貴快意。茲外復何求。胸中雲夢。吞八九。眼前了了。小五洲。權奇磊落。抑塞不得
稍稍。逞鬱伊。橫劍風塵遊。吾遊悵悵奚所適。適情姑作信宿留。時而一憑高。直
上元龍樓。時而一涉水。同坐李膺舟。模範山水流。連風景。奚足數。山川形勝湖
海豪傑。歷歷銘心頭。有士裼其裘。有客髯如虬。猝然相邂逅。停趾交凝眸。一言
能快合。萬語談不休。相知各恨晚。尊酒意氣投。神采照耀。肝胆唱酬。狂歌擊節。
天地爲愁。山嶽飛去。霹靂走。舍我曹外。不知誰是當世第一流。他日毋相忘。前
途善爲謀。我曹期許。乃如此。安能水鳧泛泛。隨波浮。吁嗟乎。燕雀焉知鴻鵠儔。

詠史

桓桓飛將絕巖關。出沒空林虎豹閒。點點淚珠彈不斷。厓山痛定又煤山。

弔張蒼水

鄭延平也

詠史

燐火飛青劫火紅。滔滔逝水大江東。紫光閣上圖形貌。添個元勳張獻忠。
渭濁涇清本異流。當塗符讖趁時收。冢中枯骨袁公路。睡手居然得冀州。
貔虎熊羆專閫外。高言法意本無慙。枯腸搜索西洋史。華聖拿皇並一談。
秋高木末嘯霜猿。乾鷓寒鴉一例喧。策馬樂游原上望。夕陽只是近黃昏。

悲秋

不關宋玉善悲秋。滿眼滄波渺渺愁。一自蒼鷹飛黑塞。幾經白馬禍清流。讖書
交口稱新莽。穢史何心誚魏收。劇醉每教冠髮指。披襟慷慨弄吳鉤。

讀書

中原攬轡計已左。飽讀奇書亦自豪。但使心波清一勺。何庸夢境繞三刀。風雲
恥共蛟龍競。田隴笑容燕雀嘲。日課千言足消遣。誦餘梁父誦離騷。

晚眺

夕陽一抹傍江樓。萬里烟波渺渺愁。隱現龍鱗依壑澤。觸蠻蝸角狎春秋。不旋
地軸移三島。便借天瓢洗九州。落寞生涯權忍受。暫師居士號休休。

滬上度端陽

中年哀樂與人殊。鞭影驚心令節徂。英物可生王鎮惡。奇冤終古屈三閭。步兵
廣武言堪玩。皋羽西臺哭亦孤。客裏端陽容易過。不堪撻足騁長途。
且飲雄黃酒一杯。味蕤園裏看花回。士風饒有承平習。人物誰爲撥亂材。紅日
低隨燕影去。黃塵斜逐馬蹄來。阮狂稽懶緣何事。未許頑心寸寸灰。

偶成

大好年華擲逝波。春風髀肉嘆蹉跎。壯夫事業將何有。豎子功名不足多。滿道

豺狼肆牙爪。當階蘭蕙恐芟鋤。楚囚對泣渾無補。誰爲中原奮魯戈。

和騷心佳期原韻

宵來慵啓玉樓扉。何日征車可賦歸。同命鴛鴦依水宿。趁時蝴蝶逐花飛。燒殘
心字人惆悵。瘦減腰圍婢諷譏。幽怨千重愁萬疊。天涯紅豆已全非。

再疊前韻示劍華

謾勞車馬集荆扉。去病無家怎便歸。眼底雲煙半疑似。胸中海嶽一翻飛。青萍
欲作騰拏勢。黃鸝何妨燕雀譏。莫道南薰能解慍。瑤琴三尺譜非非。

三疊前韻示同坐

曉起頻敲逸士扉。晚登巖岫看雲歸。十年歌哭將成錯。萬里扶搖已倦飛。斗室
常留春夏氣。寸心寧畏簡書譏。吾人出處原無軌。彼此何須問是非。

風雨大作倚枕口占

瘡痍漢上成陳迹。拜手揚言又一時。風雨客中心鬱勃。江山枕上夢迷離。十年。

辜。負。澄。清。志。一。劍。飄。零。老。大。悲。偷。得。重。施。龍。虎。略。黃。龍。直。抵。未。爲。奇。

無題

高。唐。神。女。杳。無。蹤。雲。雨。荒。唐。入。夢。中。誰。道。茂。陵。病。消。渴。情。波。還。比。酒。波。濃。
最。怯。春。寒。透。被。池。殘。燈。無。力。驪。嬌。肢。一。簾。新。月。迎。人。瘦。羸。得。銷。魂。正。此。時。
憔悴三春卻爲卿。是多情也似無情。鴛鴦曾是能同命。杜宇枝頭喚不平。
慧劍能除煩惱絲。香車金犢悵當時。二分明月揚州夜。夢醒尋芳杜牧之。

晞髮一首示亞子

晞髮弔湘靈。山中獨醉醒。黃農今不作。草木總含腥。一卷潛夫論。三弓野史亭。
相資遺世慮。庶彙漫勞形。

了公鶴雛見過喜作

門前無轍跡。斗室意幽深。舊雨扁舟至。春風空谷音。評量梁父句。睥睨雒生吟。
一片懷冰雪。悠然滌素襟。

桃源隨處是。何必入山深。各抱中和性。能彈太古音。文章都佛諦。了公謂千古
悅風雨入孤吟。鷓鴣出風雨樓近作見示卽此足遺世。玄珠灼我襟。

月旦四首

銜石精禽填海心。此心宜古更宜今。偶然縹緲虛無想。唏髮陽阿一放吟。
一紙嚴辭卻報酬。梁溪品格仲翔儔。老瞞縱是饒臧物。威鳳祥龍網得不。
昔誦梁家五噫歌。桂薑品性百年無。兩行淚灑遼陽路。席帽山人不足多。
漢石秦碑腕下收。黃冠塵市小沈浮。吾心欲向猶龍折。此亦中原第一流。

晚步野次

信步東阡西陌行。餘霞映帶晚烟平。荒隄雨後多牛迹。雜樹風過送鳥聲。在水
一方容駐足。問津何處可移情。臨流慨拊支離骨。息影經年髀肉生。
黃梅時節半陰晴。杜宇枝頭喚不平。歧路可能污素履。清谿聊爾濯長纓。雲霓
牽涉閒中思。泉石婆娑物外情。風景不殊且舉目。英雄自古合躬耕。

十年悔詠南薰曲。今日又逢東作時。布穀苦催秧簇簇。鵝鳩泣喚雨絲絲。畝畝
事業歸無逸。稼穡艱難動繫思。隴上正多騰燕雀。輟耕大息幾人知。

感懷八首

橫流滿眼世滄桑。惻惻難消舊日狂。龍虎風雲一頓挫。俊廚顧及半淪亡。託身
只覺菰蘆好。上口無如薇蕨香。收攝寸心消萬念。焚琴煮鶴總悲傷。
欲了華嚴未了因。磨磚作鏡莫嫌辛。漫言公路能稱帝。莫笑揚雄更美新。縹緲
九天鸞鳳嘯。蜿蜒當道蝮蛇嗔。蚩蚩遍飲狂泉小。容得東施竊效顰。
浩淼長江水拍天。石城龍虎乍銷烟。故宮草長銅駝沒。牙帳雲屯鐵騎連。腸斷
鶯花樓十二。心傷猿鶴甲三千。南朝寂寞青山在。玉樹歌中恨渺綿。
日輪曠息墜虞淵。海外能容忍辱仙。一道白虹力貫日。三年碧血竟蜚天。英雄
自昔甘嘗膽。造化于今肯息肩。莫更生涯嗟濩落。天津橋畔有啼鶯。
座右端書行已箴。靜中結契落花深。九州雲擾刑天舞。萬口雷同下里吟。新貴

趨踰紛挾策。黨人名字最關心。東皇留得春消息。尙有黃鸝弄好音。
新蟬噪罷夕陽移。更曳殘聲到別枝。關內羊頭闕此局。遼東龍尾守其雌。冰山
瑞獻三鷗路。羽翦功名雙兔碑。縱使祖龍謀萬世。卻輸山鬼有前知。
羅鉗吉網勢無休。緹騎紛紜瓜蔓抄。偏縱神龍依大澤。也知燕子處危巢。叔孫
綿絕曾何補。優孟衣冠聊解嘲。環顧春郊多戰壘。柱天大將正鳴鞘。
光陰潦草歇繁華。憂患餘生輒自嗟。往日奇懷隨佛劫。一年春事逐楊花。忘機
白社閒揮塵。息影青門學種瓜。小睡故人頻入夢。西風酌酒恨無涯。

亞子郵贈先德粥粥翁養餘齋詩集四冊分湖小識二冊郭靈芬手寫徐
江葦詩王氏青箱集蔣氏拙存堂集各一冊皆人間不易覩之瓌作也
獲讀狂喜詩以謝之

故人遠道百朋錫。名著青箱與拙存。先德詞源狂倒峽。鄉賢墨寶氣凌雲。快吟
悅。索。娜。環。秘。什。襲。還。逾。拱。壁。尊。頓。爲。空。山。破。岑。寂。董。生。連。日。不。窺。園。

書感

陸駭豕蛇海吼鯨。萬方一概道難行。微吟澤畔心如擣。垂翼天門夢不成。博浪揮椎浮大白。山陽擲笛帶酸聲。填膺百憤都潮涌。豎子居然享盛名。

題近作後

輕裘長袖難爲伍。一卷吟哦蓬藿門。莫道而今詩思澹。弩張劍拔氣猶存。

帆影樓題壁

春雨秋燈共一樓。分明此地可埋憂。鬢絲欲改髀消盡。別汝將爲萬里遊。

十眉詩選

余其鏘字十眉浙江嘉善人現主教於競雄女學今春亞子來滬杯酒論詩十眉豪興猶有當年之概今錄詩三十首

悼亡妻淑娟集翼句

風雲材略已消磨。紅豆年年擲逝波。別有樽前揮涕語。報恩如此疚心多。

詩。讖。吾。生。信。有。之。蠶。魚。零。落。我。歸。時。安。排。寫。集。三。千。卷。留。報。金。闈。國。士。知。
風。鬢。霧。鬢。覺。伶。俜。春。夜。傷。心。坐。書。屏。十。一。年。來。春。夢。冷。佩。聲。耳。伴。尙。冷。冷。
亦。狂。亦。俠。亦。溫。文。臣。朔。家。原。有。細。君。憐。我。半。生。無。好。計。商。量。出。處。到。紅。裙。
銀。漢。迢。迢。入。夜。流。上。清。齋。設。記。心。頭。遙。知。法。會。靈。山。在。乞。得。人。間。一。度。遊。
小。別。湖。山。劫。外。天。七。襄。報。我。定。何。年。九。泉。肯。受。狂。生。譽。道。韞。談。鋒。不。落。詮。
金。缸。花。燼。月。如。烟。曾。有。人。居。大。梵。天。羅。襪。音。塵。何。處。覓。許。儂。親。對。玉。棺。眠。
略。似。驂。鸞。縹。緲。身。難。憑。肉。眼。測。天。人。平。交。百。輩。悠。悠。口。藝。是。鍼。神。貌。洛。神。
好。夢。如。雲。不。自。由。羽。珎。詞。筆。自。今。收。無。妻。怕。學。林。逋。獨。更。折。梅。花。寄。暮。愁。
畫。禪。有。女。定。清。真。恐。是。優。曇。示。現。身。畢。竟。塵。中。容。不。得。只。容。心。裏。貯。穠。春。
我。自。低。迷。思。錦。瑟。一。釵。一。佩。斷。知。聞。捫。心。半。夜。清。無。寐。此。是。平。生。未。報。恩。
整。頓。全。神。注。定。卿。莫。拋。心。力。買。才。名。一。家。倘。許。圓。鷗。夢。兜。率。甘。遲。十。劫。生。
忽。向。東。山。感。歲。華。自。緘。紅。淚。請。迴。車。天。花。豈。用。鈴。旛。護。化。作。春。泥。更。護。花。

那向如花辨得明。詞鋒落月互縱橫。米鹽種種家常話。肯向渠儂側耳聽。
樸學奇材張一軍。胸中靈氣欲成雲。迢迢望氣中原夜。窈窕秋星或是君。
雙負簫心與劍名。天風鸞鶴怨三生。勞人只有空王諒。萬一天墳恨海平。
文字緣同骨肉深。小屏紅燭話冬心。著書不爲丹鉛誤。累汝千回帶淚吟。
迴腸盪氣感精靈。歷劫丹砂道未成。綰就同心堅俟汝。更何方法遣今生。
對人才調若飛仙。枉負才名三十年。亦是今生未曾有。東南幽怨滿詞箋。
天將何福予蛾眉。名位千秋處士卑。肯拓同文門畔石。駢文撰出女郎碑。

五月九日南社雅集海上愚園雲起樓次芷畦韻

長安西去路途修。王粲無端又上樓。寥廓乾坤名士淚。蕭條蘭芷美人愁。可無
詩酒酬良會。剩有滄桑感舊游。半壁湖山斜照裏。東南王氣已全收。

題夷峙紀遇詩冊後集龔

少年哀豔雜雄奇。怕聽花間惜別詞。一種春聲忘不得。樽前說與定何時。

紅是相思綠是愁。一生孤注擲溫柔。新詩急記銷魂事。忍說挑燈爲應酬。
甘隸妝臺伺眼波。紅牆西去卽銀河。兒家門巷斜陽改。無故飛揚入夢多。
燕蘭識字尙聰明。誰肯甘心薄倖名。縮就同心堅俟汝。有人花底祝長生。

南社巨子多半凋零矣詩以慟之

嘆逝嗟生意興慵。幾多愁思酒杯中。百年涕淚垂垂盡。一代文章黯黯空。夜半
疾風摧草碧。春殘微雨落花紅。西臺慟哭成何事。幾曲山陽笛裏風。

集定公句贈芷畦

小別河山劫外天。夢回清淚一潸然。書生挾策成何濟。枉負才名三十年。
手捫千軸古琅玕。鄉國論文集古歡。世事滄桑心事定。忍收古淚出長安。
天涯握手盡文人。歌泣無端字字真。別有狂言謝時望。使君談藝筆通神。
論詩論畫復論禪。涓滴無由補大川。烈士暮年宜學道。此身已作在山泉。

一民詩選

李雲夔字一民浙江嘉善人今錄詩七首

無題

不如歸去酒闌時。鬢影衣香想見之。記得昨宵明月下。小紅低唱我吟詩。

偶成

江上峯青曲已終。流珠人去彩雲空。茫茫今古幾紅拂。慧眼居然識衛公。

戲贈

浪言蘇小是鄉親。卿本鴛湖盪槳人。羨煞歐西好裝束。花冠故故人時顰。

送李晦盒之燕

倉皇戎馬識虬公。君鬚髯如戟自號江東老虬杯酒論交肝胆同。遍地干戈天寶後。幾人書

劍客途中。荆卿座上。衣冠白。王粲樓頭。夕照紅。來日大難居不易。痴聾須效阿

家翁。

幕府爭傳折簡招。故人海上黯魂銷。賣文賴有江郎筆。落魄難爲伍子簫。客裏

風光三月暮。天涯涕淚一身遙。送君欲解千金劍。恐有光芒射碧霄。

贈阮鼎南

鼎南越南志士也。工詩古文。詞國亡後。遁迹來中土。力謀光復。屢蹶屢起。志不稍衰。壬子春。余相值于湖上。相處幾半載。臨別爲賦二章。

迢遞家山路幾千。側身南望淚潸然。沼吳有志頻嘗胆。興楚無人敢息肩。九死瘡痍扶病起。重圍鋒火枕戈眠。君屢困重圍。僅以身免。臨歧我亦無多語。滿飲葡萄祝凱旋。

劍氣森森射斗牛。廿年未復故君仇。甯從東海埋斯骨。不分南冠老此頭。故國桃榔三戶淚。征途鷓鴣幾人愁。知君不盡興亡感。風雨關山獨倚樓。

九一詩選

顧餘字九一。浙江嘉善人。今錄詩四首。

詠古四律

符命紛紛豈自誣。假皇家世憶黃虞。金滕莫解康陵慟。玉璽誰憐文母愚。威斗鑄成新日月。漸臺認取好頭顱。菁茅幾許酬開國。祇是傷心莽大夫。王莽

十八諸侯盟早寒。本初空自據雕鞍。但看青草迷千里。幸藉黃巾晉一官。知己他年唯有蔡。雄才畢竟不如瞞。臍燃郿塢留餘燼。化作殘燐映水灘。董卓

總帳淒涼鄴下臺。奸雄遺跡已成灰。孫知枉據三分鼎。豚犬猶稱七步才。搗鼓正平拚一死。殉身文若有餘哀。他年髦與同靈獻。疑塚奚知夕照頹。曹操

此心竟被路人知。南闕橫戈肯再遲。三馬同槽終誤國。二龍見井尙吟詩。不誅中散慚湯武。幸有公閭作禹夔。千古興亡皆一瞬。青衣行酒又何悲。司馬昭

芷畦詩選

周斌字芷畦浙江嘉善人今錄詩七首

上巳日社集忠園和槩子匪石

淒淒風雨滬江濱。潦草流觴上巳辰。休怪天公惡作劇。闌珊此局總愁人。

上已後一日楚儉招飲酒後出示分湖弔夢圖成二絕

不信桃源路渺然。淮南雞犬亦神仙。急忙喚醒瑤台夢。已溷紅塵十七年。
惆悵雲軒去不還。墓門瞻拜竟緣慳。屢約社友催詩一棹斜陽影。紅到分湖第幾灣。

和劍華醉歌行

攙槍橫掃牛斗邊。酒星一一謫人間。瓶山靈氣積之久。風流復見李青蓮。青蓮
交游遍海內。座上衣冠多奇偉。化龍劍氣自東來。正值老漁舟訪戴。擊鼓催花
花滿城。折衝樽俎酒爲兵。華堂畫燭夜繼日。十斗不醉淳于髡。畢竟英雄心不
死。唾壺擊缺劍光紫。有時喝月使倒行。隨風一躍空中逝。君不見荷鍾仙遊劉
參軍。沉飲高風至今聞。又不見鼯眠爐側畢吏部。酒賊之名亦千古。吁嗟乎舉
世滔滔吾安歸。不如日飲醇酒千百杯。醉死同葬土。一坏千載酒魂歸。去來
社集崇效寺賞牡丹次韻答巢南卽以誌別

征車三月躔長安。又集名流賞牡丹。海內風雲增別感。眼前富貴等閒看。浪拋淚點青衫漬。瘦損腰圍今帶寬。莫怪春光留不住。人間來去也無端。

烟台曉泊

破曉霧冥冥。烟台此泊停。山形真虎踞。海氣有龍腥。東去滄溟黑。西來泰岱青。都門今夜月。幾個望長亭。

次韻答道非

滿樹枇杷晝掩扉。江南春老未言歸。身如羽燕絲難繫。氣挾長虹劍欲飛。名士風流原自喜。狂奴故態任人譏。新亭多少英雄淚。舉目河山景已非。

和騷心佳期用前韻

盼到天閭雙啓扉。居然仙女賦于歸。鏡窺魏帝鸞皇舞。圖捲滕王蛺蝶飛。逸少久馳才子譽。太真枉受老奴譏。藍橋一飲瓊漿後。回首人間萬事非。

懺慧詩選

徐自華字寄塵號懺慧浙江崇德人今錄詩五首

九日閒興

蕭瑟西風落葉飛。一籬黃菊傲霜威。人憐瘦影同清照。雁帶寒聲叫夕暉。習靜任謀生計拙。耽吟覺與世情違。懶攜樽酒登高去。課讀兒曹晝掩扉。

雨窗感懷

夜坐拈毫悶莫排。風風雨雨滿庭階。年來儂是傷秋客。不聽秋聲已感懷。遙聞點滴漏聲幽。憔悴吟身不耐秋。靜倚香篝眠未穩。宵深百感上心頭。

巢南來書問何久不作詩口占答之

砧催木葉又秋歸。自歎年來百計非。玉笛音悽殘月冷。風琴聲斷彩雲飛。先君善笛

愛吹殘月曉風之曲亡女能奏風琴慈母製寒衣。

題潘蘭史江湖載酒圖

人間何地可埋憂。隱隱青山寺。樓聞說放翁詩句好。暮年長此得閒游。
二分明月一分秋。秋滿江湖月滿舟。難得舢船浮一舸。鬢絲禪榻兩無愁。
襟上杭州舊染痕。江南黃葉半成村。扁舟載得先生去。河朔誰知有罪言。
十里春風一剎那。相傳人唱隔江花。我來唯覺秋天晚。無數垂楊惹暮鴉。
小淑詩選

徐蘊華字小淑懺慧之妹適閩侯林亮奇唱隨頗樂民國六年亮奇慘斃上海汽車之下小淑傷之特甚今王崇德女子學校遂輟吟詠焉今錄詩十首

唐莊題壁

百花深處屋三椽。缺露春山一角尖。坐待風前雙燕子。喚童未暮捲珠簾。
曲曲迴廊竹裏通。水亭遙在畫橋東。一篙聲響舟前渡。驚醒鴛鴦半夢中。
嶙峋怪石疊巋然。洞裏山家別有天。半種梅花半種竹。看他風雪耐年年。
讀書堂外曝書亭。西北高樓屋建瓴。三面琳瑯堆滿架。南窗留我寫黃庭。

東邊草閣俯臨江。侵曉晴開六扇窗。流水桃花春意暖。閒看乳鴨下雙雙。
面對南山作草堂。菊花時節好傾觴。疏籬一抹斜陽澹。瑟瑟西風送晚香。
空中樓閣霧冥冥。高臥南窗喚未醒。自笑胸無邱壑意。不堪着筆付丹青。
留來餘地十分寬。曲徑三三繞畫欄。雅愛此君能免俗。庭空多種竹千竿。

小窗遣興

筆牀茶竈又詩筒。安頓生涯且此中。酒爲抱愁容易醉。畫原寫意不求工。雲開
渾似疑團破。月上眞同悟境通。世上子期如有望。等閒未必棄絲桐。

夜宴竹素園

到此清幽地。全將俗慮刪。壺觴傾北海。絲竹笑東山。對月聞猿嘯。歸雲逐鳥還。
醉中惹心事。我欲哭時艱。

鳳蔚詩選

朱謙良字鳳蔚浙江海鹽人今錄詩四首

讀龐檠子遺集

挑燈忍淚讀遺編。展卷凝眸意惘然。篇首列有君遺像俠骨崢嶸天亦妒。奇才璀璨俗

無緣雕龍好句。琤琮玉君詩室名龍禪詞館名玉琤琮歌鳳新聲斷續弦。君有風兮歌為女伶郭鳳仙作歎息

先生仙去後。滄桑歷劫又年年。

黃鶴樓晚眺

按劍倚危樓。江天一色秋。遠山銜落日。巨浪逐漁舟。烽火迷雲樹。雲霞吐月鉤。

不堪回首望。淒絕蓼花洲。鸚鵡洲時多蓼花

將去海上留別舍弟無射

少年兄弟兩沉淪。等是飄零劫後身。秋已早拚愁裏死。卿須努力屈中伸。劇憐

鈍劍難臬賊。愧乏功名可慰親。鄉里棠花江上月。一番回首一愴神。

感懷和病俠

連朝風雨撲重門。啼處新痕壓舊痕。梅鶴流離餘劍膽。琴檣零落賸詩魂。書生

自古崇三戒。俠士何時淨六根。地棘天荆誰管得。此身權寄水雲邨。

貞壯詩選

諸宗元字貞壯浙江紹興人今錄詩十五首

曼殊來海上問訊故人奉投一詩

浮海歸來國事新。袷衣相對况青春。難忘畫卷留行舸。欲向箏牀問舊人。有母將迎湖上住。工詩卽慰客中貧。四年一別今重見。積感知猶共苦辛。

槩子有觀劇示亞子詩戲依其韻書投亞子一曠

柳生縱飲復悲歌。長向尊前喚奈何。一卷懷芳留小志。五雲四芷已無多。狂華十萬鬪新妝。不攬吳兒木石腸。何事吞鍼學摩什。上天下地說馮耶。

楚儉招飲未赴戲柬一詩

豪雋嬋娟雜座中。晚歸惜少一尊同。海東老衲還相念。消受桃花扇底風。晏殊來書

有此語

雪一首

雪擁高樓失上層。尙於疏處見明燈。竭來海曲原多霧。未信東西已解冰。馬足車聲驅浩蕩。叢篁壞柳列鬢髻。雙瞳剩可收寒碧。坐歎無山近可登。

雨夜柬仰魯

平生憂患經非一。聽雨時時爲失眠。不信今能作酣睡。但嗟人已近中年。風雷變盡清塵壑。琴筑聲疑過澗泉。便欲衝泥還就客。莫愁飛瀑尙橫天。

答劉三見懷

落落吾將審所歸。悠悠君與俗相違。鍵關高臥非沈隱。置驛來詩亦累欷。小飲尙思秋。楔樂狂歌不畏市。人譏阿蠻醉倒當年語。好事流傳涕欲揮。

海棠和亮奇

秋思早從春信知。風前霜後數花期。移栽免終懷土。飄落休嗟不上枝。短咏長謠誰強喻。深燈重幙又當時。獨愁吹盡江南雪。明歲遲開負汝詩。

夜過海藏樓歸紀所語簡太夷併示拔可

海雲欽月涼生芒。栝竹影地森成行。馬蹄蹴踏若翻水。但惜損此寒瓊光。打門夜半撼隣睡。主人延客先下堂。兼旬再見已足喜。况能坐對秋宵長。主人論詩得真理。近稱米氏推歐陽。上規韓白許永叔。出以簡淡非尋常。老顛落筆不局曲。意境往往齊蘇黃。前聞沈侯語。夏五文字不可輕。其鄉此言當爲永叔發。我意若合衡與量。嘉祐元祐在何世。縱有作者人謂狂。明星耿天露作霜。我歸所止神旁皇。人間俗論成嗤點。段拂豈果師元章。

元夕同浪公菽民坐洗紅移賦示

今夕惟知月可看。燒燈還爲話更闌。新茶研碧開殘醉。小袖雲藍病薄寒。是日病爲余強起。謾與家居分此樂。獨嗟樓望不能寬。短詩自紀哀荒事。佳節當求夢寐安。

徐州

北望寒星曉不收。兩歸今始過徐州。日光將出雲奔馬。風力初溫渚泛鷗。地盡
中原風尚健。民居山積氣難柔。半生乘障思爲法。世論悠悠孰可謀。

過京口有寄

重有江南山在眼。此行不樂過金焦。杏花已信年當嫁。桂樹知難隱可招。婉晚
風燈曾照夢。迢遙江水正通潮。醉中已悔輕言別。誰解遲歸慰寂寥。

雨中夜發上海曉晴達金陵復渡江趨浦口舟中感紀

一夜奔車越六城。我行衝雨曉還晴。亂流單舸浮江去。障日千峯出霧明。春遠
初看榆柳大。民間猶說鼓鼙驚。東南物力將何策。悔不歸營谷口耕。

感近事

鶯春燕夜祇尋常。又報長筵散廣堂。絳燭背人聞對語。銀瓶分酒記曾嘗。一聲
新曲傷河滿。百斛明珠抵夜光。青鳥傳言告王母。真應文字費提防。
東隣有女久窺臣。此語難爲宋玉嗔。前度隔花催送客。重來擲笛怕逢人。頗傳

墮馬妝梁壽。獨怪驚鴻禮洛神。一事分明不堪憶。細腰仍是楚宮春。
栗長詩選

胡穎之字栗長浙江紹興人今錄詩十首

送質夫之官天津癸丑穀雨時客杭州

迴腸盪氣車輪轉。倦眼看花烟霧迷。送子長征春寂寂。嗟余逆旅夢淒淒。湖風吹柳新燕夜。雨飄鶻唱遠雞。杯酒論文何日事。祇將詩札手封題。

游西湖和桂樵韻

大好湖山劫後蘇。東南名自重名都。騎驢立馬聞前事。飲淥吸光又此湖。荷葉如錢魚自戲。柳陰似幄鳥相呼。當風一笑開襟抱。薰醉游人舊酒徒。

悶坐成禁體詩四章用谿西雞齊啼韻一二三四五六七八九十百千萬
雙兩半尺丈寸東南西北字

百尺樓東十丈谿。萬花弄戲半牆西。舞成七二雙行鳥。聲徹三千九夜雞。八字。

眉峯描北苑。四時子夜唱南齊。六張五角相思意。一寸心灰兩淚啼。
東流百尺半山谿。十萬閒愁付海西。尺素寸心雙剖鯉。千紅一醉四聞雞。九霄
北斗七星朗。六月南風五兩齊。逝水年華剛二八。不堪杜宇再三啼。
東北爭流二水谿。五樓南畔兩廂西。紅塵十丈四飛馬。碧玉百雙一鬪雞。光綴
膚圓六七寸。牢愁心曲萬千齊。臨風尺八還三弄。九轉柔腸半笑啼。
十千斗酒萬花谿。百五韶光日半西。四網東南飛孔雀。七絃尺寸應鷓雞。初三
下九等閒度。襪兩鞋雙一色齊。六扇北窗爨丈八。二分新月照愁啼。

越川返紹留詩紀念依韻和寄不是尋常折柳曲也

烏鵲南飛警夜眠。賦詩橫槩氣無前。蹉跎歲月英雄老。大好湖山感逝川。
因果三生今去來。悲歡離合幾多回。翻從靜悟達觀旨。漫問山中材不材。
鳶飛魚躍任天機。一笑何當有是非。忽暑忽寒常疾我。家書昨却寄當歸。
弄筆窮年衫袖烏。書城且擁面山孤。茫茫人海知心少。他日同君泛五湖。

做廬詩選

孫世偉字俶仁號做廬民國四五年間俶仁官福建漳州余亦需次於榕城
郵筒往來唱和略多今錄詩九首

次韻答小柳贈詩

官愛漳濱山水州。驚人佳句苦難酬。猶從北地追前別。忽喜南天接勝流。一榻
琴書安客夢。四時花木拱吟樓。眼中塵俗伊誰語。煮酒遲君日日遊。

病瘴初愈得小柳遣悶詩次韻

熱瘴無端困夏陽。岑岑昏眩似旋檣。裁詩遣鬼摹韓愈。感遇臨歧泣子昂。病後
切思平日健。心閒欲贖此身忙。何當萬竹濃陰裏。棋酒同消一日長。

次小柳和樸庵見貽韻兼柬樸庵

南游同是苦蓬征。杯酒何堪話此生。滿地滄浪隨濯足。暫時風雨過無聲。百川
東到天涯遠。五嶽歸來山意平。回首素心人已去。瑤華端不隔詩盟。

次小柳和樸庵韻以抒近感

行行却曲怯前征。歧路多歧誤半生。不道寸長兼尺短。驚心淵默有雷聲。依巢危燕飛何去。感物秋蟲訴不平。冰雪竟難消內熱。且逃東海結鷗盟。

七夕疊征字韻答小柳

奮飛身欲逐雲征。一寸心容百感生。良夜向闌秋有恨。微波可託漢無聲。風淒露冷經年別。天上人間此意平。聞道金針堪度巧。急拈柔翰乞詩盟。

克庵寄示蒞閩以來詩稿哀時感物憂讒畏譏賦此以誌同聲之感並呈

樸庵

欲從刼後識天心。人事猖披叵耐尋。君有哀聲振金石。誰憐苦語託銘箴。西維星象離離變。南海秋潮暗暗沈。闔闔九門風雨急。一篇梁父費長吟。

訪黃石齋先生讀書石室和靜初先生韻

先生不負高皇帝。先生臨刑過東華門坐不起曰此與高皇帝陵寢近可死矣悍將辱王灑淚觀。欲仗偏師。

回北虜。悔將杯酒失南安。思文帝賜宴南安侯鄧芝龍位先生上衆十年讀易
天靡定。先生疏云臣自幼學易孤島先秋露未寒。我訪遺書傷筆削。清乾隆論謂先生遺集應改易違礙字句

藏山大業亦艱難。

和多字韻答小柳允公並呈樸庵

墮地一聲盤古泣。逼人憂患至今多。全憑道力扶心力。任爾千魔引萬魔。鬪蟻
成雷驚蟄起。騰虹飛劍踏天磨。年來醒醉都無例。漫叱狂奴酒色醜。

中秋望月感懷和小柳韻並柬樸庵

明月窺人又此宵。隔年心緒伴烟消。倚欄歷落瞻南斗。繞樹徬徨動暗森。萬里
仰天思不極。一身顧影感分飄。城隅咫尺成離闊。遙夜何堪怨玉簫。

元冲詩選

邵庸舒字元冲浙江紹興人今錄詩一首

與曼殊孟碩同游江之島

碧海擘煙巒。江島啓奇跡。素日澹宵冥。飛濤爭翕鬪。縈盤鳥道艱。透迤魚梁窄。垠壑披高蘿。壑竹翳危石。崢嶸百尺松。謾謾盪精魄。絕巘截行雲。汎波湧石壩。蓉峯何崔巍。密若聯茵席。迺知造化工。搏削同一脉。相對苦徘徊。暝霞送行客。越流詩選

陳樛字越流浙江諸暨人今錄詩四首

歲晚倦游言歸故園別春航二首

卻曲迷陽路。縱橫亂石蹲。傾心回日月。舉目異乾坤。腸斷前溪舞。魂驚子夜翻。相逢惟慟哭。反轡向黃昏。

執手何時再。丰神並玉清。從茲明月夜。何以獨爲情。糞壤充長佩。榛苓沒僂英。彈棋休間設。君意豈能平。

甲寅十一月感事

天外隨陽雁欲慵。稻梁謀盡肯相從。西山頑石憐精衛。金谷明珠笑懊儂。薪膽

初聞忘越恥。薜薇竟見拜周封。於今四海多歸客。昔日王陽到處逢。

無題

欣逢吉日更良辰。信是游河盡美人。臉際夫容生北地。眉間遠岫出西隣。數峯無恙留人住。一枕餘香入夢真。贏得滿襟清淚浪。盤珠可許換梁塵。

海帆詩選

王毓岱字海帆浙江餘杭人今錄詩三首

乙卯自述一百四十韻

我生逢己酉。樂歲溯當時。錦襍雙親喜。花朝十日遲。矢弧門設射。湯餅酒盈卮。縱少吟鵝句。將臻舞象期。才原輸雀賦。智並乏雞碑。溯昔言難罄。稱先說詎欺。有秋勤稼穡。畦夏恤胼胝。原隰龍鱗列。高曾燕翼貽。傳家功可述。更僕事堪追。每漲苕溪水。先籌竺堰陂。屋後瀕若溪築天竺堰資蓄洩溉村田皆出自我祖若宗之籌畫勢防鄰里壑。棺瘞上流屍。溪水發時上流浮屍余來我曾祖斗槎公諱煥然嘗預備棺木僱夫打撈瘞之我祖也農公諱燮堂踵行之不稍懈拯患憐漂沒。

扶災歎渺瀰。歲終緝慨貸。鄰石粟頻餽。我曾祖斗槎公暨我祖也農公每遇秋

價糶與近處貧戶待其徐償不取其息又我曾祖任建德校官時值水荒亦輸巨款助賑事載建德縣志凍餒恩勤恤瘡痍藥物施

我祖也農公自前清道光乙未登賢書後每屆附公車北上恆多購京都藥品回鄉親施與鄉間患癘疽者卜居源遠溯繩武迹遐

窺雙桂栽培厚。家有一桂兩株兵燹後無存三槐譜牒垂。家譜存者僅二三函

者五十餘年嘗與族弟庚士慮及之農桑成沃壤耕讀振門楣異時規復其室當補額之。栗里

無殊矣。桃源倘遇之。南山基。易廟。我祖宗舊廳事係與西達路。非歧。一自驚烽

火。全家苦亂離。黎民羣鋌。鹿綠野。斷扶犁。岷岵嗟遙陟。庭闈念在茲。班睽行雁

列原益脊。鶴咨失路無知已。分飛孰伴台。因依懷厚誼。教誨憶嘉詞。褚爽齋祖

增自皖歸挈眷避居括蒼我先大父以余託之捫葛防。追寇披榛共。旅羈履霜

穿細徑。冒雪造山屨。壤地無安土。人烟半斷炊。枕荆宵避難。分芋冷充飢。避難

有難以言埋稿情真孝。季蓀表叔諱成允身帶祖姑丈人境稱人事亦奇。祖姑

人挑余避難夫役他鄉連歲寄身世者番危。久歷羊腸險。方教虎口辭。葺城塵

權余以計挑資。

暫浣梓里阻猶羈。滬濱看跑馬。蘇臺罷走麋。故園思歷歷。傳緒想不不。避難離家自除

杭至蕭山由蕭山而金華而宣平而松陽而景甯而雲和而龍泉皆山荒僻小徑繞越而出險至豫章後又由潯陽附輪至滬復由滬而松江而姑蘇即由蘇

馮餘返餘。急欲趨程進。憂難插翅。敝廬勞夢想。舊宅憶階墀。烏去驚無屋。鱗游贖。

有池。我家舊屋據當日遺老云。凋零鄰謝世。頹敗瓦盈基。遊釣童時處。荒蕪莫

問伊路旁留水閣。祖宗老屋及以屏族。餘壑荒者結茅盈野。權

且餘杭住。遑言祖產遺。向誰詢佃戶。何處是家私。聚散悲歡異。殷拳訓誠持。我

也農公會于難中寄訓辭一緘與。荊芹香半歇。苜蓿味難滋。亂平後我祖也農

余颺縷千言追憶及之倍深懷懷。荊芹香半歇。苜蓿味難滋。亂平後我祖也農

任旋病。萱室團圓慶。椿庭講解宜。三兩弟聚首分散後再獲相見喜出望外四

歿未果。萱室團圓慶。椿庭講解宜。三兩弟聚首分散後再獲相見喜出望外四

弟已于亂。研經仍兀兀。舉業復孜孜。先嚴襄辦軍文案恐余荒學。糊口資膏

中病歿。研經仍兀兀。舉業復孜孜。先嚴襄辦軍文案恐余荒學。糊口資膏

火行蹤又策筇。先嚴居杭數載旋膺鄭譜。咳蘭情悱惻。帶草擷葳蕤。返旆無多

日。扁舟又解維。譜香先生卸山東。使篆務先嚴同。離鄉增別緒。娶媳寄餘貲。

先嚴自東省寄銀歸畀余完嫻余。妻即北墅魏諱錫爵仲章公之女。再附公車便。旋深噩耗悲。南宮風慘怛。西浙

有池。我家舊屋據當日遺老云。凋零鄰謝世。頹敗瓦盈基。遊釣童時處。荒蕪莫問伊路旁留水閣。祖宗老屋及以屏族。餘壑荒者結茅盈野。權且餘杭住。遑言祖產遺。向誰詢佃戶。何處是家私。聚散悲歡異。殷拳訓誠持。我

淚漣漣。光嚴秋舫公諱若濟乙亥科獲雋北闈丁丑會試場後病歿京寓科第終無謂。浮名竟孰裨。料量憑戚

友。痛惜到鄉耆。經紀先嚴喪事全賴吳周兩姻長之力教忍忘庭訓。情惟戀母隨。樞權餘邑厝。家

又武林移。內借紉鍼助。餐仍煑字為。蓼莪重慶感。窀穸五棺治。曾祖考妣兩棺葬餘邑毛竹山

祖考妣暨先嚴三棺葬留下挂榜山附讀家開膳。于歸妹結褵。從遊深沆瀣。講學剔瑕疵。廩餼頻

頻逮。賢書一一麗。慈雲叨蔭庇。愛日幸安綏。火候成蒸鴨。冰鮮間鱸鮓。盤飧慚

饌薄。中饋賴人司。八秩無須杖。重孫好飼飴。性原昭渾厚。算不較銖錙。寸草暉

當永。高年體。豈羸叢殘搜蠹簡。問視祝鴻禧。橐筆憂迢遞。辭親強喔咻。榕城囊

校閱。就沈叔涓先生福建學幕之聘萊水寄藩籬。就許君子曼之聘但託揚帆便。休誇舞綵傲。孩提猶

是我。先慈八十四歲余年六十有四是冬即抱恨終天精力未全衰。時事官家改。篇章變格釐。登壇將

藝角。握管效顰。九譯詳其說。重洋測以蠡。五浙談亞美。一第愧郊邴。壬寅補科年五

十四忝獲雋從此停科舉。憑誰奪戰磨。張絃多變易。染翰漫淋漓。回首徒增悔。專心

本是癡。輟耕投筆日。膠柱刻舟嗤。忽報更華幟。居然復漢儀。驚飛巢幕燕。吼醒

夢中獅。祖國尊黃帝。降軍樹白旗。城隍摧古堞。載道重輪輻。響屨疑空谷。高冠
異接羅。沐猴矜狡捷。聚鷓炫襪襪。草草勞人倦。花花世界訾。舶來工艷麗。裝束
競妍媸。渡口船添幔。街頭士夾鉞。銷金鍋倍煖。照玉鏡難疲。簫管鳴天際。樓臺
峙水涯。倘無醫國手。曷愈病夫痍。世變無常局。居民少立錐。先鞭爭躍馬。多難
患張鷟。璧儻完於趙。書應受自圯。共和方慶祝。壽母忽驚萎。風木悲傷際。煙雲
黯澹冢。輻安塋自燥。壤吉綫非差。阡愧瀧岡表。憂增馬鬣卑。前峯環突兀。遠水
揖漣漪。朗霽天從願。虔誠友袖詩。扶先慈靈輅登穴時天適晴平安當可卜。富
貴不須推。挂榜名原俗。山名挂榜今科舉地輿說漫訛。壙非分向背。土不慮侵
肌。生我歸泉壤。先靈奠潔粢。裙釵貧豈病。觴豆切而偲。禹範慚三德。香山擬四
雖。時難諧鑿柄。學不泥裘箕。國粹存糟粕。同胞慨豆萁。歸虞荒徑菊。灌待種園
葵。拜石胸除累。看山眼洗眵。枕流耽漱齒。聽雨撚吟髭。隱士都携鶴。英雄不逝
離。梅栽標骨幹。松老愛鱗而。三窟休營兔。雙柑往聽鷗。枰棋邀叟橘。綺里惠仙

芝。覆。鹿。忘。前。夢。猶。龍。悟。守。雌。清。涼。塵。外。士。廉。讓。水。中。坻。文。漫。移。周。子。壇。欣。邇。孔。

尼。舊宅距文廟里許

關。場。攘。灌。柳。薤。草。去。蒿。砒。遠。派。波。連。雲。長。途。縣。達。黔。禹。航。占。宅。相。

錢。墓。比。神。祇。

大兒媳及孫男女居臨安

興。待。觀。魚。寄。灾。非。賦。鵬。罹。迎。風。宜。策。杖。舊。雨。許。還。緬。

稻。蟹。聯。情。誼。尊。鱸。遠。險。誠。遊。山。携。不。借。佐。饌。飶。來。其。庭。翼。森。蘭。桂。材。休。齏。藁。施。

牆。頭。遮。老。樹。隴。首。關。新。蓄。蠶。熟。温。綿。帛。蠹。驅。便。綌。絺。丹。心。持。耿。耿。黃。髮。剪。髻。髻。

道。友。逢。霞。外。邊。庭。憶。月。氏。閒。將。名。句。錄。暇。尙。硯。田。菽。書。壽。頻。汗。紙。

近年屢有人屬書壽字者

徵。詩。恐。覆。瓿。

近來徵詩者踵趾相接

爭。原。消。鷓。蚌。文。敢。詔。螃。蜆。南。社。躋。裙。屐。西。泠。醉。醴。醕。

高君吹萬柳君亞子姚君石子暨春屬同遊西湖程君弢堂丁不識展庵昆季因發起開南社臨時雅集於西泠印社余亦與焉

揮。毫。驚。倚。馬。

鬪。韻。想。探。驪。翰。墨。良。緣。締。箴。規。畏。友。情。芝。蘭。懷。臭。味。瓜。果。沁。心。脾。伴。讀。門。生。小。

居。欣。託。九。思。

今夏館於丁氏九思居課和甫子明之序之時與和甫不識相唱和

題西泠印社

篆刻西泠著八家。

西泠八家印存爲丁氏百石齋藏輯研林佑啓今尤誇謂丁生輔之

比隣知不有吟

社我欲名之小鐵華。昔年丁徵君松生年丈修甫賢竹林與諸先哲結鐵華吟社于龐公祠側今我門人和甫不識展庵俱能詩

小技雕蟲愧不能。子行學古可規繩。元吾衍有學古編淵源一派留吾浙。鍾喬

葉品石三吳潛石王維季衣鉢仍。

示和甫

我生未古稀。生年今大衍。虛長十七年。才學愧疏淺。鯢齒尙未生。黃髮早已翦。放眼閱滄桑。時局如戲演。憶昔舞象歲。避難躡荒蘚。幸生未出世。身不遇烽燹。出世亂已平。有福難能免。大上降麒麟。朱衣贈文選。十五志學年。嚴命附讀遣。慚無教授資。修贄一何腆。擷芹復折桂。親非由我顯。食報有達人。飽閱八千卷。青竟出于藍。淵雅搜墳典。作詩每全韻。令我反顏視。經營風木庵。孝思信繾綣。今生有二子。成童方婉孌。我再課之讀。講解共勸勉。祝彼茂椿萱。餘慶酬積善。

漱巖詩選

黃葆楨字漱巖浙江黃巖人今錄詩三十九首

醉後看弄鳥古刀

短袖拂吳刀。古金時一陶。土花青似髮。酒氣怒於濤。安用毛錐子。何如屠狗豪。摩挲三眦。長嘯霜天高。

孤檠

孤檠耿遙夜。無夢亦無詩。滄海渺一粟。須臾生萬期。願人庸且福。是我癖成痴。破籟天雞唱。神來隱几時。

楓香驛題壁驛在宿松

十里楓香路。深林傍晚車。孤村懸樹杪。野火出巖岬。獨有采樵者。而無賣酒家。西風吹馬首。山影一燈斜。

宿涼亭河

村抱溪流曲。松多覺晚涼。半林茶雨老。十里麥風香。草活長蛇路。苔生牡蠣牆。田翁歸山市。燈火近昏黃。

歲暮送友歸湘

日落滄江晚。客愁生歲闌。洞庭八百里。直上幾回灘。燈向誰人語。雲留獨樹看。南枝戀越鳥。煙島路漫漫。

楊哲商烈士悼歌七章

三台星宿光落離。應精傑出楊飛兒。十三衆以神童目。崢嶸頭角才不羈。丈夫當學萬人敵。一書一劍將何爲。甲兵羅胸見文字。呼風吸雨神鬼悲。曾靖呂留良再見。恐懼殺身師戒之。嗚呼一歌兮歌遲遲。萬八峯頭日出時。

黃衫年少眞英雄。赤脚踏海海水空。歇浦灘頭遇秋俠。秋俠識爲人中龍。浙江潮接皖江起。寡姥謠傳陳涉通。軍儲潛遣五丁運。狐鳴篝火期相從。中道忽聞軒亭敗。錢塘欲渡不得東。草間偷活忍饑走。緹騎大索黨人同。嗚呼二歌兮歌未終。途窮一哭生悲風。

軒軒鬱起赤城霞。匈奴未滅何爲家。鬼薪奇書讀密室。含沙射影來么麼。秋風

吹散耀梓校。補天呼石呼靈媯。滿腔熱血向誰洒。龍泉挂壁鳴啞啞。嗚呼三歌
兮。生有涯。躑躅鄉里長咨嗟。

大熊飛起皖公山。麒麟以外見一斑。博浪錐逃十日索。荆天棘地危乎艱。一例
黨人艱插足。匡廬山下蛇蝎頑。天生健兒好身手。禽王禽賊權等閒。請於伯氏
答曰可。烏容鬱鬱居此間。不如歸去啼杜宇。樓蘭未斬羞生還。嗚呼四歌兮歌
欲閑。大江東去流潺潺。

七二黃花戰骨霜。遙揮涕淚瞻高岡。馬革裹尸原不辱。餘生虎口多逃亡。河山
本我漢家物。難容虜燄恣披猖。春秋大復仇九世。同志寥落誰商量。一夜哀猿
動。三峽同胞慘殺天。無光嗚呼五歌兮歌聲長。引領蜀道摧剛腸。

風雲莽蕩武昌城。大陸龍蟄雷一聲。豪傑盡起天下走。江山半壁東南傾。僑瀝
覆壁學張儉。裹鐵手弄一丸輕。金湯脆脆顛撲破。石頭鐵甕徒虛名。喜聞直搗
黃龍府。拍案驚落燈花明。飛電流丹觸導線。大化真火還无生。嗚呼六歌兮火

縱橫海上夜。夜怒濤鳴。

姑蘇台下麋鹿游。鬼雄夜嘯聲啾啾。髑髏提還八百里。西湖湖水空悠悠。香涕一龕配徐社。陶墳沈墓峙一邱。咫尺西冷橋畔路。滿天風雨空亭收。生前等隸黨人籍。死後好共湖山遊。嗚呼七歌兮歌且休。民國萬歲魂自由。

送邵次公之日本

錢塘生春水。嚴瀨下孤舟。書劍東南客。風雲西北愁。呼天同一醉。人世等於囚。便欲扶桑去。相隨狎浪鷗。

贈徐公孟

落落徐公孟。青年多苦吟。湖山話春雨。人海見秋心。杜牧癡無夢。稽康貧有琴。願言贈之子。珍重作元音。

題不繫舟軒爲陳慎登作

天地一虛舟。吾生眞個浮。神州同過渡。滄海正橫流。風利不得泊。陸沈無盡愁。

攔江磯有石。漫放洞庭漚。

子夜歌海上樓外樓作

怕損鴛鴦履。隨歡躡電梯。凌虛怯小膽。素手索歡携。
今夜儂無事。請歡來吃茶。渴中須擇飲。記取雨前芽。
蟬翼紗衫薄。脂香袖底過。勸歡莫久坐。風露夜涼多。
小立哈哈亭。鏡中看歡面。歡面有時改。儂心還未變。
彳亍噴水池。水噴如散珠。還家裙子濕。偷換合歡襦。

遮天

遮天隻手大如斯。覆雨翻雲不可思。東海藥尋徐福去。北山文待稚圭移。有人
猿臂封侯易。幾個魚頭參政遲。夜靜中原一望氣。星辰明滅是京師。

張星伯席上呈徐班侯先生

六九雄心尙未銷。天荒地老總無聊。狂歌慢罵非關醉。獨向東甌負大瓢。

龍虎鬚眉入畫圖。南江潮落月輪孤。黃公墟畔思風雨。三老於今不可無。班老曾與

家子裳師吳與沈子培先生作南江三老圖余有題句三老昔在都下日與黃漱蘭前輩文酒之會

一代經師孫仲容。名山大藏關洪濛。蟹行文字來瀛海。六籍笙簧白虎空。

少年喜讀郁離子。低首青田是國師。六百年來興廢事。一尊拇戰夜談時。

天保城頭漢將飛。江山兩道浙軍旗。主人別咽同袍淚。磅礴尊前解血衣。星伯籍青

田去年曾與其同邑葉仰高各領一支隊攻進天保城席次談葉陣亡事聞者咸悲壯

浮生詩夢自蒼騰。俠武儒文兩不能。人海中藏一我在。殘書古劍短檠燈。

自杭歸台取道海門有友徵歌勸飲六潭老人同坐作此贈鳳仙桂花韻

仙紅玉諸校書

解語筵開四照花。玉山人比玉無瑕。諸校書皆玉山人少年悔被多情誤。游騎何堪問

狹邪。

海天歸思正茫茫。除却溫柔不是鄉。那解信陵醇酒意。合歡杯滿泥親嘗。

歡場如夢夢如癡。鏡裏河陽鬢已絲。我惜惺惺重自惜。天涯淪落得歸遲。
彈破鶯花五萬春。喬裝嬌帶女郎嗔。琵琶漫譜潯陽曲。恐有尊前老大人。

與胡寄塵同話海上茶樓介紹趙堅白入南社作此紀念

南天文宿聚詞壇。如此中原縮手看。誰信騷愁真可被。許多歌淚總無端。不磨
傲骨生今世。添個新知結古歡。大雅扶輪吾輩事。秦灰歷劫未曾寒。

白雲庵訪謝印山不值

南屏訪蘭若。白雲在天際。幽人去未還。空齋鎖寒翠。曾問客何來。題壁作留刺。
才子見佛易。合蹤三摩地。慚予羈塵鞅。雲山失所寄。詩成僧點頭。三昧證游戲。

周六介招飲卽席有作

爛泥新壁甕頭春。越醴濃斟醉殺人。天上梟壺方角戲。時雷電大作尊前詩膽獨輪
困。朋簪偶合今宵雨。搦戰傳喧一席賓。豪矣周侯監酒政。襟痕狼籍廿年塵。

春夜同沈半峯楊畏九陳簡文飲半齋

買得春如海。齋閒恰四人。鄉心縈六嶽。齊五山遊記合天台爲六嶽潮信警三神。尊合愁邊雨。花飛劫外塵。我生無盡醉。何用問來因。

嘲半峯

一笑哦詩沈半峯。蒼蠅聲與六經同。昌黎死後禪關閉。任爾推敲耳已聾。

集飲湖樓次半峯韻

湖上題襟認酒痕。典裘春買一罇溫。感花獨洒東坡淚。種柳還招蘇小魂。世外樵風何日便。尊前舊雨幾人存。憑闌別有傷心事。北望浮雲蔽日昏。

西湖品茗

西湖春色浩無邊。樓外青山樓下船。明鏡有情留客影。與友人照相軟簾何意護茶烟。風謠吹到都成警。詩諦參來卽是禪。不問麻姑東海事。新聲同唱鷓鴣天。

清明後一日葉子布集飲寶石山

江聲湖色落尊前。跌蕩鴛花又一年。亭廢尙歌來鳳曲。有來鳳亭石頑誰着祖龍鞭。

山下有始。四圍烟散。諸天暝絕。頂風盤一塔。圓鐵弩挽。強望公等。海潮東嘯。正無邊。

同伯詩選

張恭字同伯浙江金華人今錄詩五首

獄中口占

地球自古有終滅。人壽從來少百年。事到錯盤纔節見。身如傀儡任絲牽。愛根淨懺終非佛。隨遇能安便是仙。石火電光容易過。鐵窗長日抱書眠。史筆永無傳信日。問心原可對人言。玉堅要向瑕中見。鐵錯誰從鑄後翻。天際冥鴻重觸網。雲間夜鶴竟乘軒。聰明已被離騷誤。莫更投湘弔屈原。北邙華表如林立。何處重尋丁令威。文字有靈諛墓少。鬼神求食乞璠饑。明禋枉作千春計。厚澤能延五世稀。但使十年辭故里。人民城郭已全非。似聞昨日邯鄲道。最是盧生未得閒。磁枕有緣通睡語。金丹無術駐衰顏。居然

白。晝。因。心。幻。未。熟。黃。梁。已。鬢。斑。我。願。回。翁。傳。口。訣。莫。將。塵。夢。誤。癡。頑。

雌雉啼

未央宮殿平明開。淮陰迤邐趨朝來。自信臣心本清白。那知后意多疑猜。蕭相迎門色沮喪。追思往事疇能忘。漢家基業從何來。滅項未能先拜將。吁嗟乎鐘室一聲雌雉啼。功臣骨肉成醢醢。反不如當年餓死漂渚側。又何須勳名赫濯封三齊。王孫王孫爾莫哀。滿盈自古招飛災。請看蒼犬道旁立。祇剩長陵土一坏。

次公詩選

邵瑞彭字次公浙江淳安人今錄詩三十四首

北行雜詩

一曲霖鈴酒一杯。陳侯泣別首重回。零歡斷恨堂堂去。剩水殘山得得來。醉上輕車夜未央。虹橋西畔月如霜。常娥不是人間客。照我星星淚萬行。

鷗輪去去似追風。葉底輕雲幾處通。最是惱人眠不得。一鐙金粟可憐紅。
 孫郎舊日遊仙侶。送我同乘下界槎。一路天風嘯鸞鶴。渾忘湖上斷腸花。
 心如梔子難言實。身似浮雲未是閒。撲面青燐飛有屑。萬人無語看焦山。
 兩月江南話太長。布衣猶帶酒花香。夢回忽見秣陵樹。錯問迎春第幾坊。
 眼前無數六朝山。千古興亡算等閒。只有秦淮嗚咽水。年年流恨到人間。
 白門秋柳尚依稀。落絮殘絲冒劫灰。一笑重來身似鶴。人民城郭已全非。
 當日郵亭曾繫馬。而今長遍野棠花。含愁且憩公園館。旅館名疑是南朝舊酒家。
 渡江未有桃根楫。竿木隨身也俊遊。余携有洗盡東南金粉氣。此江那得不東流。

江北青山帶淚看。家書何處寄平安。別腸也似車輪轉。曲曲思想曲曲難。
 千年故壘夢中過。付與行人晚唱歌。此去隨身無一物。携將明月渡黃河。
 五嶽平生願尚虛。岱宗山色近何如。篋中一卷江南賦。不是文園封禪書。

平頭奴子二三輩。吳語喁喁足解嘲。知我遠來勤服侍。鄉親也要福能消。謂車中細

困

舊地重來倍有情。津門楊柳自秋聲。淒淒旅館無良伴。臥聽寒郵第。四更一帶紅樓認不真。年時蘇小認鄉親。瑤琴曲散薰風歇。愁絕蕭郎似路人。捲地風來白草乾。吳兒始信北中寒。故國刀尺恐聲裏。製得征衣欲寄難。

江南今日正重陽。舊約登臨夢未忘。寄語垂虹老亭長。花陰代我飲。奠觴巢南

會約登高又約飲酒
花雪南家皆不果矣

吳江楓染思親淚。更隔錢唐山萬重。淒絕平生遊子意。二分塵土五更風。回首觚棱一夢中。重來雞犬識新豐。鈞天一自張翁在。見諸擊筑無靈動白虹。皋記

留別上海

拗取春申柳一枝。江天如墨髻如絲。我儂少小工愁慣。不爲當筵感別離。

秋雨泥城第幾橋。淒淒影事可憐宵。江南哀怨無人賦。付與吳淞上下潮。
淺淺輕衫薄薄寒。紅樓閒煞小闌干。愚園秋草張園月。兩樣相思一樣看。
酒人零落詩人少。一段風情可奈何。極目錢唐江上路。暮雲無限隔微波。
東華塵土西湖月。可有風光似昔年。斷夢零魂飛不去。鷺鷥啼絕釣魚船。
魯戈底事亂如麻。縱到江南不算家。不負中秋負重九。人生怕見是黃花。
曾譜黃河遠上詞。雙鬢賭唱萬人知。今宵破夢忽忽去。從此江南不要詩。
別裏題襟莫慘悲。重來應是早梅時。平生享盡江南福。不到幽燕總不知。

題亞子分湖舊隱圖

長憶湖頭聽竹枝。十年誤煞冷春時。憐他一片盈盈水。照出煙鬟為阿誰。
荒軒依綠無新雁。依綠軒在湖東為陸季道別業。季道詞怕聽樓前新雁。三夢于今亦未醒。葉粟庵有午夢子郭祥
伯有蘅夢樓難得儒仙來橘社。不該天又遣飄零。郭十三句故云。君詩有我是移家。
江東陸弟擅風流。竹垞一幅吳箋幾筆秋。何似茶爐篷席去。相携同上木蘭舟。

病蝶見過二首

夢裏松江夜泊船。三高祠下水如煙。茂陵人老游情倦。猶見吳趨最少年。當年游冶工吳語。今日蒼涼感朔風。願乞新秋溫社酒。看君高詠吐長虹。雲雷詩選

張烈字雲雷浙江樂清人今錄詩五首

次韻詠慈山水月庵梅花

慈山風景似孤山。人去亭空鶴未還。猶幸一枝冰雪潔。清香從不到人間。絕世丰姿傲雪前。儂身雖瘦欲爭妍。天寒地冷鎔筋骨。歷盡風霜不乞憐。

詠慈山水月庵桃花卽用前韻

美人底事隱慈山。謝絕塵緣不往還。豈爲紅顏多薄命。獨修清福出人間。素頰低眉古佛前。羞將豔色鬪清妍。天生仙骨難諧俗。獨傲春風不自憐。

次韻奉贈耐樓居士

縱談時事獨傷心。誰信先生世感深。宴坐書齋參造化。商量文字訪知音。隱居自有千年業。為道常書百耐箴。君有樓名曰百耐景仰高山安可及。關濂閩洛待君尋。

借用古句

和甫詩選

丁立中字和甫浙江杭縣人今錄詩三首

題亞子分湖舊隱圖

移居當日說靈芬。卜宅今同出岫雲。香雪飄殘溫舊夢。一湖春色許平分。余家老屋在山陰。小築團瓢住武林。蠶豆橋頭今古月。感懷千里有同心。

題三子游草

風萍偶聚慰相思。彷彿蘭亭修禊時。南社古懽真率會。西泠今雨歲寒枝。冷吟閒醉詩中畫。山色湖光畫裏詩。縞紵珮環同一集。題名深惜我來遲。

不識詩選

丁三在字不識浙江杭縣人今錄詩七首

示秋葉用秋葉贈亞子韻

誰云林子抱材粗。一舸當時泛五湖。徧地棘榛悲戰士。還鄉泉石著潛夫。浪游
屐下尋鴻爪。長嘯樽前揮鼠鬚。話到南蠻無限恨。孤山怕聽泣啼鴉。

亞子招飲湖樓卽席分得先韻

城郭已非似昔年。湖山靈秀故依然。相逢臭味苔苔契。大好交情金石堅。舊恨
早隨春逝水。清談怕問日沈淵。井亭橋下波如鏡。照徹樽罍淚欲漣。

送吹萬石子暨眷屬歸松江和漱巖韻

汽笛鳴鳴未放晴。伊誰楊柳怨春城。神傷怕讀江淹賦。情重何如李白行。底事
蕤蘆歸去好。高懷梅鶴利名輕。鴻飛不復東西辨。可奈空山屐齒聲。

亞子佩宜伉儷將離杭州詩以贈別用海帆師韻

半月酒痕襟上留。歸歟應共說杭州。徐秦風雅真堪侶。晁賈文章孰與儔。語欲

驚人偏口吃。詩逢知己總情投。分湖極目波千頃。他日當乘訪戴舟。

次亞子韻贈龍小雲翔

我本傷時者。關心燕市人。鼓琴得鍾子。吹管是冷綸。湖書伶倫作冷綸佳話名題柱。小

旅舍背龍翔橋龍翔二字適合小雲姓名忘言淚溼裙。西湖歌舞地。鬪飲酒留痕。

次韻龍丁將去西湖留別南社西泠印社樂石社諸同人

皎皎華亭鶴。鳴皋見性情。劉臻有佳婦。阮籍豈狂生。金石同心契。芝蘭臭味清。

西泠分一席。蝸角莫須爭。

西泠印社燕集同人余不克往長公白丁歸言盛子幼文殷殷問訊遂賦

一律感謝用龍丁留別社友韻

吳宮花草徑。一別廿年情。老我困塵壒。伊誰問死生。交留君子淡。言仰故人清。

司馬青衫淚。難為造物爭。

卷七終

南社叢選

詩選卷八

涇縣胡韞玉樸安選錄

仲穆詩選

周祥駿字仲穆江蘇睢甯人今錄詩二首

寄鈍劍

春風料峭鎖寒枝。強起酬君惠我詩。到眼都疑紅淚灑。含毫期與素心宜。百年歲月催人老。兩地情懷有夢知。會夢與君對酌論詩珍重前途惟自愛。斯文一綫好撐持。

海上訪亞子不值寄呈一章

海氣侵肌玉宇翻。嗟君小駐便還轅。誓心天地倡民約。過眼雲烟失稼軒。尙待飛騰窮變怪。不應淹滯困邱樊。望塵瞻拜渾無及。聊寫蠻箋當贈言。

無盡詩選

周實字實丹號無盡江蘇淮安人今錄詩十四首

哭洗醒

中夜起長號。生離復死別。生離冀重逢。死別長隔絕。呼天籲地兩無靈。誰令陳
 死人重熱。噫嘻朝菌蟪蛄本無常。莊生達者齊彭殤。等無返魂香。等無續命湯。
 幾人壽比高松長。吾儕後顧前百代。悠悠盡是蜉蝣輩。蜉蝣變化朝夕間。感此
 羣生重有慨。何況平生刎頸交。惡耗驟聞珠玉碎。楓青月黑為招魂。天涯欲祭
 還疑在。哀哉秋澗方死亡。亦吾之契友于九月間洗醒喪。悲傷未了增惆悵。塵寰從此知音
 稀。劍氣簫心誰與抗。賸得區區後死人。七尺殘軀亦可葬。溯昔扁舟淮上游。一
 燈風雨秋復秋。臥時抵足坐並頭。自詡祖劉李郭未足儔。其時狂奴負狂名。少
 年眼底隘滄瀛。緜蘭寒杜更多情。年年佳耦求雲英。哀哉古來益友今無多。笑
 我罵我紛則那。獨有洗醒莞爾言。抉子病源子母冤。謂子母驕矜。嘉言懿行當
 服膺。謂子母憤嫉。種危國弱當太息。謂子母激烈。黨錮東林懲往轍。謂子母呆
 痴。豈是婦人醇酒時。謂子母纏綿。終有飛花落絮天。蒙君熱心苦口相摯愛。棒

喝鐘警極感戴。無端勞燕忽分投。雲樹蒼茫寢食廢。嗟嗟南船更北馬。相背時
多相見寡。烏飛兔走換春秋。博得深宵杯重把。酒杯未放驪歌起。與君歡會從
今止。君住袁江作寓公。我滯秣陵號游子。寓公游子兩相望。山水迢遙多阻障。
恨無兩翼御風行。僅恃尺書悉佳况。尺書千里相砥礪。更勗寒暄善保衛。知我
時憂管仲貧。呼天屢雪長沙涕。哀哉深情盡付相思字。所惜飛鴻不時至。每遇
射湖黃浦人。殷勤問訊到風致。朝問訊。暮問訊。聊取寸心相印證。詎知霹靂一
聲驚。君遽棄我歸九京。請將胸中血與淚。盡向死友墳前傾。吁嗟乎。洗醒洗醒
不復作。何時重化歸遼鶴。思量往事都成塵。只有音容宛如昨。安得旅館重聯
牀。安得春宵重舉爵。安得花時同宴游。安得月下重諧謔。安得風雪重牽縈。安
得河梁重訂約。一言一語渺難聞。碧落黃泉何處索。吁嗟乎。照不見故人地下
骨。憤欲碎天邊。月聽不得故人地下語。怒欲罵窗前。雨雨聲。月色兩無情。只有
四壁秋蟲訴。不平不平。枉向人間訴。夢魂纔是相逢處。魂來夢往縱可期。又恐

錯認人天路。

此作爲無盡庵集外逸詩洗醒姓陳名友徐能詩文與君曾同學數年編者附記

歲暮雜感

風霜不改歲寒姿。燈火沉沉似昔時。千古朝廷懸北極。一春消息在南枝。蟠桃熟後初開宴。芳草吟成煞費詞。勳業文章俱未就。男兒心力敢辭疲。堂堂白日苦相催。爛醉狂歌且莫哀。紫玉烟消人不見。黃金臺峻士羞來。安能跨鳳尋仙侶。未必椎牛盡將才。楊柳成圍無限意。苗條猶記昔時栽。文采風流晉右軍。罪言還擬杜司勳。人民城郭年年異。環佩笙歌處處聞。豹隱山南成遯世。馬空冀北感離羣。賣文未合爲生計。一夕都將筆硯焚。莫任喬松詔大年。且邀司命共醺然。野蘿山鬼愁人世。成句瑤草琪花宴衆仙。不賣癡歎甘守拙。但求寂滅未逃禪。小姑獨處無郎慣。那用悲歌相府蓮。

公園看牡丹

敢將顏色說傾城。維下無端擅盛名。豈必風流皆沒骨。還愁富貴易薰心。清平

古調知難繼。專制羣芳未可任。別有迴腸風物外。碧闌干畔幾沉吟。

贈鈍劍

少陵身世一沙鷗。深恐蹉跎便白頭。我劍無靈君劍鈍。人間何處託恩讎。
千年荆叢骨成塵。誰是擒蛟射虎人。與子消沉文字海。野蘿山鬼泣靈均。

長亭曲

江北江南別路遙。旗亭酒熟脫金貂。引人無限纏綿意。不贈梅花贈柳條。

痛哭四章

腥風血雨悞歸期。痛哭江頭杜拾遺。弩末已無穿縞力。刀頭休作賜環思。豺獠
猛虎磨牙日。天矯神龍見首時。虜運將衰炎運在。南陽會覩漢旌旗。

瘴雨蠻烟路幾千。揀花落盡一潸然。三年化碧心難滅。九轉成丹目已穿。誓起
魯陽磨赤日。忍教胡月犯黃天。匣中夜夜青鋒嘯。願作人豪不羨僊。

日暮歸來淚滿襟。鍾期去後判椎琴。春花寥落無生氣。夏木淒涼有死心。遺恨

千年秦殿柱。招魂三月楚江潯。長纓枉說擒南越。年少終軍不可尋。
直將芻狗視人羣。無限蒼涼日暮雲。壯志未酬填海島。癡心枉作負山蟲。荒烟
孤島田橫客。夜月悲笳翟義軍。猿鶴沙蟲同一燼。纍纍七十二荒墳。

玄武湖觀荷用人菊射陽湖觀荷韻

悄立湖水濱。喜與鴛鴦熟。娟娟湖中花。千頃漾一白。日落微風興。觸鼻皆芳馥。
翩然若登仙。轉惜形骸俗。淡泊能甯神。繁華本非福。花花互相語。毋使紅塵瀆。
物我兩莊嚴。粲然懷茂叔。

人菊詩選

周偉仁字人菊江蘇淮安人今錄詩六首

痛哭周烈士實丹

才大難容天亦忌。滿腔血染楚州紅。偶耕偕隱成虛願。烈士為余詩序有云願
得田百畝躬耕偕隱其
中酌酒磨刀唱大風。武昌起義時烈士曾有
帝子歸來唱大風之句千古奇冤同武穆。三年化碧慟萸

弘匣中寶劍騰芒燄。夜夜呼號欲作龍。

痛哭深山碎雅琴。天涯從此少知音。恨無死難田橫客。烈士被害後巡選部員遂星散獨抱尋

仇。豫讓心不信。讒言工市虎。幾多血淚化冤禽。那堪重讀悲秋集。烈士去歲曾輯有白門悲

秋集恍見英雄傍月陰。

由滬赴鎮車中日占哭寶丹烈士

匆匆來又匆匆去。恍似秋鴻春燕忙。掛上心頭惟一事。黃花岡在楚州旁。

慣聽嗚嗚汽笛聲。數年心血歎無成。國中皆識陳驚座。漢上偏臯禰正平。

化成精衛難填海。頑石猶存熱血痕。濁酒一杯詩一首。海棠花下哭英魂。

如此奇才如此命。小兒造化太欺人。絲絲此恨無終極。江上招魂繼楚臣。

无妄詩選

邵天雷字无妄江蘇淮安人今錄詩三首

海上雜詩

黯淡春愁鬱不眠。茫茫生死憾人天。英靈多付紅羊劫。經梵猶存白馬年。寓清涼寺

下院楚徑荒涼。花落雨。章臺寂寞。柳飛綿。登臨一縱離人目。吳苑奎光照大千。

故明遺恨淚難乾。檀板銀箏怨月寒。莊烈輕生殉大難。小青飲恨痛孤山。借人菊仲

詔觀明末遺恨馮小青劇蛾眉劍影橫飛血。燕市筑音慘醉顏。我本傷心還落魄。為君流涕

泣江干。

春江漠漠風雨多。行李棲遲獨嘯歌。十二萬年皆夢寐。六千君子意如何。塞鴻北去哀時切。烏鵲南飛避網羅。枉殺人間寶鳴犢。爭教魯叟歎臨河。

雪抱詩選

張冰字雪抱江蘇淮安人今錄詩二首

吳中旅夜不寐賦此

永夜不成寐。心隨淮水流。披衣望北斗。伏枕臥南樓。莫道邊關事。頻添家國愁。聽猿聲淚下。作客幾時休。

飄泊

飄泊渺無定。終朝不繫舟。疏星隨地轉。朗月逐江流。才大難爲用。官應直道休。頻看人海內。事事等浮鷗。

杏佛詩選

楊銓字杏佛江蘇清江人今錄詩十五首

感事十絕集定庵句

不是斯文擲筆驕。秋心如海復如潮。一簫一劍平生意。大宙南東久寂寥。風雲材略已消磨。光影猶存急網羅。且莫空山聽雨去。江湖俠骨恐無多。萬馬齊瘖究可哀。高吟肺腑走風雷。田橫五百人安在。悄向龍泉祝一回。夕陽忽下中原去。吟罷江山氣不靈。青史他年煩點染。千秋功罪總劉歆。莫將文字換狂禪。閱盡詞場意惘然。世事滄桑心事定。此身已作在山泉。雄談夜半斗牛寒。淚漬蟬魚死不乾。吟到恩仇心事湧。忽收古淚出長安。

少年哀樂過于人。閱歷天花悟後身。今日不揮閒涕淚。更何方法遣今生。
少年攢轡澄清意。閱歷名場萬態更。願得黃金三百萬。東山妓卽是蒼生。
安用迂儒談故道。天教僞體領風花。近來不信長安隘。月費牛溲定幾車。
雲煙萬態馬蹄溼。歌哭無端字字真。只是場師消遣法。原非感慨爲蒼生。

入春野草皆着黃花散金遍地一望無際或曰此蒲公英也余感其託根
雖卑而能自適因賦此美之

黃花彌四野。宛轉依人足。衆芳恃寵驕。子獨受陵辱。豈曰高下殊。物稀則金玉。
終以自處卑。不畏風雨酷。踐踏亦堪傷。生意不可踣。大化惠無私。貴賤自分鵠。
我來感子意。如見羲皇俗。乃知弱草志。可以羞蠻觸。

游湖步叔永韻

高引冥鴻福。桃源亂世仙。秋孃螺子黛。春水鴨頭船。玉藕驚搖腕。紅蓮羨比肩。
王孫歸興渺。南陌草芊芊。

春日山行步適之韻

山路蔽蒼翠。春深百鳥囀。泉鳴塵意寂。日暖草香飄。欲笑陶彭澤。忘憂借濁醪。棲心若流水。世累自相遙。

隔鄰有女生。將去鄰傭幼子。哭挽之余。懷爲擾不自知其何感也。

咫尺難爲別。深情卽故鄉。揚巾一揮手。雲樹兩蒼茫。征馬無歸計。啼鶯有恨腸。相思不相見。何若兩相忘。

康乃狄克省中間城赴東美學生會寄興此城多樹大木參天一望彌漫
故人以林城名之

青青樹。鬱成林。百年業。有同心。我來遠道赴良會。欲藉山川滌煩襟。縱肩四望。無來者。獨倚楓根而沈吟。

蔚西詩選

張相文字蔚西江蘇泗陽人精輿地學今錄詩十一首

百花山僧寺題壁

霏霏細雨釀花香。西極峯高滯夕陽。城郭下方連趙魏。風烟絕塞隱牛羊。門窗
燈閃三更夢。履鳥涼生六月霜。惆悵年年覓清冷。竭來轉欲早趨裝。

聖泉寺結夏絕句十首

粼粼石屋指黃安。一道清渠數轉灣。怪底風來香撲地。村前近接百花山。
清流瀲灩繞西東。核子禾花小徑通。銷盡人天煩惱熱。閒身六月住琳宮。
亂山環合寺門開。樹色參天綠浸堆。梵唄不聞鐘韻寂。樵歌聲送晚風來。
巉巖古樹映溪流。瑟瑟炎天近晚秋。石上攤書欹枕看。倦來有夢到滄洲。
空林夜雨濕苔磯。門閉諸天色相非。一卷楞嚴參靜契。水流雲在兩忘機。
高樹連山屋角平。雲烟黯淡半陰晴。蕭蕭風葉渾成陣。不辨泉聲是雨聲。
僧寮日日守清齋。隔夜先須算米柴。爲恐市橋溪水漲。五更山外走輕雷。
別饒真趣在山家。紅薯黃糧白水茶。風氣長教留太古。人間何事鬥龍蛇。

連宵陰雨長莓苔。偶放晴光過嶺來。牆角晒衣書並曝。漫將經卷傲僧齋。
綠樹青山帶晚晴。閒雲去住不關情。逍遙飽飯黃昏候。拄杖橋頭聽水聲。
秋心詩選

陸曾沂字秋心江蘇海門人善小說往時同事於民立報分手後執教鞭於
上海務本女學今錄詩二十首

閒居

一從江北賦閒居。已分山南老荷鋤。菜圃泥香春雨後。豆棚花落晚風初。慣呼
鄰叟傾新釀。每共閨人讀舊書。湖海交游如問訊。元龍豪氣漸銷除。

師山道中

竹木蕭森水滿塘。誰家別館此江鄉。午雞啼徹門深掩。一樹梨花白過牆。
惠風徐度紫蘭香。潑水聲輕隔女牆。行過柳隄回首望。一竿斜見晾雲裳。

寄柳亞子吳江

曩在癸卯嘗與亞子同學愛國社忽忽歲星一週亞子卓然詩家而余
尙無所成就長日索居讀南社十四集中亞子諸作臨風傾倒彌念疇
昔率成二律馳奉故人當必有以教我

問訊吳江柳七哥。比來詩思復如何。梨花滿地吟肩瘦。君居梨里劍影磨空寶氣多。

君詩名磨劍室集鯨掣會看翻碧海。鬢低競聽唱黃河。憐余虛抱從戎願。南鄭何年一

放歌。

小別耆卿忽數年。江鱗雲雁兩茫然。文章君擅松陵秀。子姓吾慚甫里賢。憶昔
交情分浦雨。至今魂夢繞湖烟。芳馨遠道憑誰寄。秋日芙蓉願共攀。

雜題社刻十五集詩錄後

河東梅九亦強流。弱水吟成恨未休。捫虱青山花落盡。龜蛇殘照夢悠悠。景梅九
天風吹袂自開顏。蜀道誰云未可攀。願假潘郎雙白鶴。凌雲戲遍域中山。潘蘭史
三韓遺址莽蕭蕭。夜月宮牆見怪梟。一例歌成長恨傳。東陽瘦盡沈郎腰。沈太

死求埋骨近要離。生尙難忘血淚碑。拜罷兒稱酒帝冰。天躍馬更何時。進馬小
 華林花暖草芊芊。苜蓿欄邊最自憐。落日平原秋一色。看君萬里蹴風烟。林一
 紅燭青廬願已違。女兒無命欲安歸。劇憐江海滔滔日。猶見東南孔雀飛。古公
 舊國殘陽聽鷓鴣。霸才無主嘆黃鬚。一塘春水金陵夢。斷草莊烟柳圖。葉林秋
 一歲吟詩三百首。章龍領下自探珠。紅薇婉婉玲瓏館。底事迎風唱鷓鴣。根傳鍾
 胡家兄弟多情者。無那饑驅兩地分。折得芳馨渾欲寄。烟芽露葉海天雲。胡樸
 塵

河山草草感滄桑。秋水橫牀夜作芒。別有雲天知己淚。金焦兩點倚殘陽。李少
 燈火萬枝扶客醉。湖波一鏡入城涼。半峯酒色三潭月。都付雲卿七寶囊。沈華
 舊國殘春一惘然。河山極目似當年。劍霜斜拂多時立。誰識參軍沈下賢。沈道
 珠斗橫天夜欲闌。玉簫聲徹不知寒。西風一劍圖南客。此夕爭禁翠袖單。李一
 王晉老設帳牧圩書言近日苦風患咳万倚枕讀杜詩卽賦一律寄問

盡日東風獵紫蘭。相思遙入海雲端。牧圻何幸聞絃誦。旅榻誰知護暖寒。支枕高堪舒病肺。步簷久或苦吟肝。春蘇小圃行如錦。願侍維摩一凭欄。

簡倪心穀前輩

不見雲林已一旬。當筵放論記還真。琴彈海角空流水。蘭秀小阿自好春。招隱願同彭澤醉。居閒敢怨灞陵嗔。松風落日池邊路。佇聽吟聲出錦鱗。

仲文詩選

伍崇學江蘇江甯人今錄詩六首

立夫偕遊江亭

亭僻淨無塵。登臨萬象真。遠山皆有色。微草亦知辛。白骨埋鸚塚。清風送鶴羣。菰蘆含宿雨。碧柳繞荒園。

登江亭佛閣

四大無生滅。天空有片雲。戒心宜歷此。立性不虞分。時事浮塵幻。良朋對語殷。

二枰閒世外。羣木自欣欣。

窰台遠眺

寂寞空台靜。時聞鳥鵲聲。疎林斜日落。西嶺白雲橫。麥浪葦青接。江亭柳色勻。勞勞何日息。萬里故鄉情。

移居後一日寄懷故人

天高浮雲動。微聞鳥晴弄。世事莫關懷。故人時入夢。殘菊骨尤堅。寒霜催不凍。地僻客稀踪。心清念自空。逍遙一隱几。萬籟我爲宗。

夏日感懷

我心不畏熱。靜慮洗凡塵。浮雲蔽日色。何足亂其真。草木受炎惠。萌葉時時新。詎無憔悴者。惟在濁世人。好趁晚風涼。尋與舊籍親。安得二仲鄰。相對話殷勤。

遊昆明湖卽景

萬樹叢中別有天。舟搖倒影壽山前。佛頭摩盡當年樂。湖中赤蓮盛開今日相看我亦

仙

匪石詩選

陳世宜字匪石江蘇江甯人今錄詩二十二首

秋柳和漁洋

漁洋秋柳四律爲一時傳誦顧用意多晦會心者希某氏詩話謂第三首指芝麓梅村諸人第四首指玉京安娘諸名妓固已余細味之黃驄之曲烏夜之邨隸帝后事則橋陵弓劍之慟也板浦隋堤之水琅琊大道之王則江上殘棋之泣也且據漁洋年譜此詩作於丁酉爲順治十四年閩祚雖亡永歷猶在故有新愁帝子舊事公孫之語殆純乎黍離淚矣羌有振觸依韻和之旨趣雖別危苦實同新城有知當不以唐突西施責我

更從何處喚鷓鴣魂。瑟瑟西風白板門。燦爛黃金空有色。淒涼玉露欲無痕。殘蟬

依戀宮前樹。流水迴環郭外村。搖落江潭新舊感。蘭成心事一般論。
癡情曾與擣玄霜。綠轉黃迴十里塘。走馬忽空京兆市。嫁衣重檢小蠻箱。從知
風景無多處。難得金剛不壞王。歌舞當年忍回首。夕陽惻惻舊宮坊。
年時染汁上征衣。太息春婆一夢非。魔女鬪腰紅粉盡。亂鴉墮影綠陰稀。露垂
桐井餘蛩泣。雨打榆錢化蝶飛。聞道空園在南角。永豐移植願多違。
濯濯臨風也自憐。飄蓬一例幻秋烟。何當池上生芳草。記取庵前種木綿。官渡
尙容他日念。長門爭鎖太平年。沉沉街鼓猿啼急。暗祝春回巫峽邊。

醉歌

壬子夏至前一夕醉臥白鶴山極樂寺示同遊諸子

君吟詩。我醉酒。海波萬頃酌以斗。醒來揉眼東方紅。雙丸吸入巨靈口。乾坤大
氣日夜浮。烟雲縹緲澄素秋。白鶴山之頂。極樂寺之樓。容我嘯傲呼龍虬。手捧
金叵羅。拾級趨山阿。彌勒開口作憨笑。金剛怒目將譙訶。山僧胸次殊不俗。掃

榻留賓岩阿曲。解識劉伶是酒狂。既以山肴兼野筴。坐看山中出雲作霖雨。如絮如棉氣滂鬱。瞥眼雲開雨亦晴。半空湧出一輪玉。座有紫陽朱。眉山蘇。汝陽一蔡與林攄。高歌梵唱聲相雜。龍鳴獅吼成須臾。我獨仰天引杯酌。舖糟啜糲。瀝清醪。不覺玉山驀地傾。據榻微鼾成大覺。青梅黃柑與諫果。醒我醉魂無一可。五夜鐘聲入耳來。內觀頓悟天人我。吁嗟乎。王郎斫地霜鋒寒。吏部臥甕清漏殘。况復飛鳶跼跼地。人生有酒胡不歡。菩薩楊枝露。洞府瓊玉漿。一例醍醐灌頂滌塵慮。誰謂有酒學仙無酒學佛使我成枯腸。我今非醒亦非醉。掬霞到手珊瑚碎。眼前一鏡證空明。聽梵魚龍寒不睡。

孟碩入獄不獲探視詩以慰之

文字立教尋常耳。君獨身教追如來。未逢歌利破危涕。肯撥鬱埒殊凡胎。躬入地獄佛之願。劫墮天魔人所哀。泥犁亦是衆生相。十方迷罔從今開。

得孟碩獄中詩依韻奉懷

珍重餘生患難中。玄黃血染晚楓紅。斬蛟何地尋周處。走馬而今盡古公。不信
人情成鬼蜮。可憐浩劫共沙蟲。與君同抱無窮感。黑獄沉沉又一重。
鐵漢錚錚繫我思。坎軻能歷便鬚眉。感人文字兼歌哭。逝水春華好護持。域外
天威吾亦畏。年來恨史爾先知。經過時復增惆悵。小閣塵封夕照遲。
煩冤千古訴伊誰。鳳去台空萬事非。蒼頡當年曾夜哭。句陳有象是天機。善加
餐飯力宜努。誓挽狂瀾願不違。無量衆生無量劫。淒迷風雨待君歸。

寒夜與楚儉秋心共飲

小爐燄熾炭紅。寒威凜冽酒陣攻。榻來一夕剪淞夢。酣呼歌泣江之東。東江
葉子富豪氣。王問三篇文炳蔚。虬髯不作扶餘王。羊頭早薄騎都尉。淮上征車
記舊遊。風雲擾攘呼龍蚪。嫖姚一擲將軍印。李固還覓林宗舟。英英更有雲間
陸。靈犀一點珠十斛。佉盧文字蟹行書。香山詩集雞林讀。牢愁無賴托稗官。故
宮古佛罨風寒。恆河沙卽衆生相。高文一卷含辛酸。顧我詩酒號狂士。無病呻

吟漬清淚。燕子不知王謝家。蠹魚空食神仙字。一杯一酌歡復悲。拔劍起舞雲爲垂。古今欲結忘年友。狡獪曾叱造化兒。天地無情感搖落。後彫松柏意誰托。爾汝同期不朽三。公瑾醇醪飲亦樂。

柬可生

天界華鬢夢一場。雙成曾許抗顏行。詩題蕉葉語都讒。飯啖胡麻醒亦狂。枉自迷離歌撲朔。未堪哀豔誤文章。青天碧海知誰是。爲道神仙事渺茫。

贈孟碩

羨君半載作聾啞。黑獄居然抵武陵。可許吾曹終蠖屈。是誰尺木教猱升。鈞天沉醉醒猶未。滄海橫流感不勝。眼底青萍三尺短。酒酣賸有氣凌嶒。

餞可生並柬胎石

江南三月懷人恨。堤柳穆穆又送君。恩怨千般寄秋水。蒼茫四顧倚斜曛。慳春天氣花前雨。望遠心情日暮雲。爲問蘭心參透未。沐湯與誦楚騷文。

上已社集是日值余初度

連年客裏度初度。樽酒論文第一遭。風片雨絲成妙諦。葉子以雨絲風片烟波畫船嵌字詞屬和春
花秋月屬吾曹。樓頭柳色牽情短。世外桃源涉想勞。翻恐有觴流不得。小池新
綠漲三篙。

遊雙清別墅卽事一首索中壘和

行行心跡雙清地。莽莽河山兩戒思。眼底紅桑成拱把。簾前綠水漾淪漪。春歸
只恨花開早。風靜翻疑雲起遲。辛苦吾曹分黑白。臨窗酣戰一枰棋。

春暮集樸學齋

我愛胡安定。春生經義齋。醉人浮白酒。剗恨踏青鞋。好句應同續。多愁忍自埋。
晦明風雨裏。一笑脫形骸。

得天梅書却寄

干將奇氣花前說。我憶雲間高劍公。地老天荒風雨晦。獨留肝膽鍊英雄。

眼底衣冠沐楚猴。忍憑骨相博封侯。滄江歲晚君能臥。算比鰕生勝一籌。

尺幅之中有千里。酒人自古氣縱橫。甚時同荷劉伶鍾。一醉空江臥月明。

九十春光一夢醒。江南無數亂峯清。斜陽寂寞烏衣巷。便是桃根也淚零。

頓見寄有詩一首曰便有明珠萬斛多更從何地築香窩渡江未備王郎橄桃葉桃根奈爾何

故國不堪回首處。傷心豈獨李重光。紅桑三見君知否。一曲新歌一斷腸。

十四首予曾和之豈特和君亦有感於李煜也

七字吟成苦未工。傷離感逝幾人同。文章不是千秋業。付與先生記爪鴻。

三十年詩徵之輯索予舊稿

枚叟詩選

趙光榮字枚叟江蘇丹徒人今錄詩十四首

裏湖紀游

庚戌春杪抵武林後陰雨經旬初夏稍霽壺園主人導游南北山諸勝

兩日已得十之六七歸紀長篇十四章以謝主人并誌予之不負是游也

積雨蓄羈愁。湖壖時一往。隔湖望諸峯。悠然動遐想。豈無同志人。與我共忻賞。有約屢愆期。阻游增悵怏。風忽捲癡雲。瞥見天宇朗。久困氣頓舒。遙邁神益爽。快我掉臂行。出門如脫網。山亦笑相迎。雲中時俯仰。

蒼翠亂無次。彌望森成林。煙雲泣草木。團結陰沈沈。遙峯憐峭蒨。近壑怖幽深。蜿蜒入杳渺。蹊徑從何尋。轉移各極態。曲折有會心。靜中細領略。洒然消煩襟。四顧人不見。誰與助清吟。采茶歌已歇。時送黃鸝音。

拔地勢湧出。衆木還千章。高高望無極。蔽虧天日光。榿楠挺且直。松柏參成行。問此種何年。歲月悠且長。當春鬱古茂。結夏尤清涼。秋深絢異彩。霜葉紛丹黃。盤桓重摩撫。爲惜生材良。棟梁期大用。勿使斤斧傷。

腰脚漸不勝。維時日亭午。迤邐入寺門。肅客僧僂僂。禪房敞且高。面山青可數。

娟竹媚輕烟。幽花泣殘雨。來往有珍禽。問名詫未覩。冷然時一鳴。故向人飛舞。此剎本重新。地以龍湫古。涓涓水不流。靈根滋液乳。神物在天池。煙雲與吞吐。挹此淪新茶。其香沁肺腑。流覽喜輕陰。清和勝春煦。一飯飽伊蒲。行矣力須努。升高必自卑。有進固無退。一掩復一重。其如限外內。循途每苦紆。抵隙豈妨礙。就中以貫之。南北徑相對。冒險越陂陁。賈勇一而再。緣腹以及腰。倏已出其背。陡落下阪丸。抖擻增氣槩。卻顧所經行。雲封又變態。

古洞別有天。豁訝各殊狀。未必盡生成。剗削由巧匠。試觀懸崖佛。百千鑿色相。闐然入其中。若與諸天抗。鑽穴黠鼠穿。負殼浮螺漾。冰窖夏亦寒。暗獄晝失亮。大者廓能容。元氣爲之脹。纍纍肺乳垂。如腹剗五臟。勢將壓頂來。霹靂森在上。懷乎不可留。戶歧審所向。終覺欠玲瓏。充塞惟烟瘴。何當訪桃源。一聞漁父唱。石磴百旋折。夾徑皆修篁。軒然無雜木。空際搖青蒼。新筍正解籜。簌簌時聞香。天風一以吹。夏玉音琅琅。乘虛若羽化。心體生清涼。行盡忽空闊。快興雲翱翔。

仙人渺何許。苔澀丹臺荒。泓泉自終古。飲以滌熱腸。鐘聲催夕照。悵望白雲鄉。
鷲嶺從西來。真靈于此萃。花雨散諸天。慈雲廣蔭庇。爭結香火緣。遠方亦鬻至。
大衆市殷闐。幾忘清淨地。四月頂禮希。游人尙聯騎。高下多禪房。緣山以櫛比。
我無徼福心。來就白雲睡。聽泉耳已清。樓頭又松吹。
殘月若窺人。鳥聲先客起。推窗望諸峯。蒼翠臨尺咫。趁曉促登車。林叢穿數里。
道旁馬鬣封。宿草半傾圮。頓觸朝露悲。馳驅不如已。既又歎何愚。達觀寓妙理。
悟徹解脫身。總在畫圖裏。出林見湖光。空明大歡喜。
地脉互流通。出泉歧路各。微縐震霖紋。激動璇珠作。方畝固渟澂。井泓亦不涸。
游泳適其天。隨處皆寬綽。寺題揭清漣。一鑑當水閣。鮮鱗逐隊行。大小色參錯。
掉尾更揚鬣。唼食爭噉嚼。時聞撥刺聲。生機微動躍。是爲大自在。在何須令縱。壑。
我佛笑。無言此中有真樂。

名勝衆所趨。誰歟耽冷僻。搜討無盡藏。有待高人關。習見淡亦忘。會意矜創獲。

誅茅拓數間。于焉永朝夕。結構妙天成。高空敷片席。雲障依。權闌風帆度。簾隙環以百本梅。花時團雪白。香影接孤亭。月明飛一笛。有鶴與之偕。爲謝門前客。百千萬億身。我聞傳梵貝。變相極猙獰。莊嚴又少艾。丈六放金光。神通極大。然一刹那間。虛空亦何害。咄哉蠢頑石。厥像特侈秦。突出巨無霸。撐拄逞狡獪。伸脚地或穿。昂首天爲蓋。金仙跨下行。鐵漢等曹鄴。殿闕已穹窿。高竟出其外。或謂秦東巡。樓船急下瀨。維纜藉此軀。無稽甚矣太。歲久體摧殘。金碧失藻繪。無耳目口鼻。混沌究何奈。我笑現原形。佛門之無賴。

豐功新廟貌。退隱違故鄉。于斯樂游釣。更以奉蒸嘗。後先建別墅。各占湖山光。璇題動瞻仰。巍煥室與堂。亭臺互高下。水樹延風廊。彼此相角勝。意欲擅其長。無乃騁靡麗。居士慚清涼。春秋好時節。花木披芬芳。雲烟等過眼。祇見游人忙。十園九無主。子孫漸亦忘。補葺良不易。歲久榛蕪荒。話舊增太息。夕照縈垂楊。往事皆如此。不見平泉莊。

仲若本山人聽鷗欲砭俗。宦成隱西湖。老享游山福。我以為導師。因各遂所欲。指掌現圖經。取徑捷且速。歷險廼見奇。就生須避熟。遂使雲水區。在在豁心目。轉惜君多年。搜尋抉隱伏。供我集大觀。一二日已足。勞逸竟懸殊。君心倘不服。然君亦有辭。佳處宜往復。譬之古人書。豈厭百回讀。

中冷詩選

葉玉森字中冷江蘇丹徒人今錄詩二十六首

題陳少鹿先生畫孤松

珠髻婀娜一雌龍。鱗爪居然眼底逢。獨立蒼茫看雲氣。不知何處最高峯。畢宏韋偃今安在。安讓先生豎指頭。我欲黃山探縣海。借君一筆狀千虬。

自西郊歸晤芟川遂同憩于琴園

身似閒雲隨所住。又從佳處見林亭。花渲落日三分絳。簾卷南山一尺青。世味還教嘗苦茗。塵緣聊復證飄萍。淵明自有田園在。不是勞人醉未醒。

移寓舊藩經廳署半夢仲咸寄丹養芝均來同水榭敲詩風亭說夢至足
樂也賦此志感

小有園亭宜道暑。入宮便作廣寒看。客牕舊雨兼今雨。世路前灘復後灘。仙枕
一炊方索夢。洪鑪百鍊始成丹。原知粒粒皆辛苦。贏得詩人諷素餐。

一雨

炎威爾何物。一雨便長驅。夜靜繁喧起。秋生熱惱無。瞰鐙窗蜥蜴。驚屐草螻蛄。
料得田夫笑。嘉禾萬頃蘇。

太平洋歸舟中作

洞庭三萬六千頃。直是太平洋一杯。放眼都窮惟大氣。低頭忽見有奔雷。蛟龍
浩劫知何始。鸞鶴仙心到此灰。淘盡胸中閒塊壘。開襟朗朗現靈臺。
百川東走誰能障。今日昌黎安在哉。有淚合流紅海去。似愁都湧白山來。飛潛
無主文繇苦。升謫隨天赤鳳哀。漢武秦皇休更惱。神州靈藥久蒿萊。

印度故宮詞

恆河之水無情碧。恆河之血無量赤。琵琶七十二條絃。彈落宮花腸斷絕。何事歌聲續斷腸。零脂賸粉尙斜陽。雪山北走餘焦土。戈壁西行盡戰場。花頭鬢髻司香女。能作籠鸚嗚咽語。箕踞曾瞻七寶冠。笙歌更逐羣魔舞。銀杖分明憶昔年。聖水如帶佛垂憐。海山金碧輸天外。漢土袈裟拜陛前。法宮高拱圍珠翠。極樂園林騰瑞氣。錦衣仙擁勝鬢妃。石闕鬼鏤阿育帝。紫帶黃裳更出游。虛空天子號無愁。象輿緩緩花前醉。螺鈸喧喧月下謳。神牛罷吼靈獅睡。毘嵐撲地聲何厲。葡萄移種雜荷蘭。重以天驕英吉利。龍象無能護國難。珊瑚五尺鳳縷寒。投厓太子身何苦。辭闕金仙淚未乾。檀枝爨葉凋殘盡。商戰果然贏利刃。已傷魏殿慘分香。還促秦王歌破陣。身毒其如飲毒何。引刀割肉那由他。響頭妄喚千聲佛。皺面愁觀一曲河。零星紺宇阿房火。殘額塗金窩里朶。須臾猶開稱意花。頻婆自結相思果。齋飯無人禮世尊。阿難乞食徧雞園。啼春夜夜迦陵苦。望

南社叢選

帝年年孔雀窈。我聞如是宜歌哭。藏衛又傳新佛國。自大何堪踵夜郎。前車未免忘天竺。萬劫娑婆一夢同。山河破碎衲能縫。穰奴自戀東方樂。莫向西風問故宮。

渤海舟中端午

百毒叢生今日下。一禡難得此人間。是誰苦競江心渡。與子閒看海上山。大氣飛行風鷓健。孤吟出聽水龍嫺。榴花艾葉都妖豔。手折珊瑚鍊九還。

霧泊遼海

風鬢霧鬢千龍女。手弄綃裙擁海來。一氣氤氳何所有。諸天混沌我能開。魚龍已醒翻長夜。舟楫都窮亦散材。臥聽倭娘吹尺八。餘音嫋嫋爲誰哀。

一島

一島嵯嵯撐黑水。螺青濃壓佛陀頭。不知何處釣熬客。來此從荒關蜃樓。屏絕衆攀見孤傲。寤歌獨寐任沈浮。煙蘿半壁能分我。請息諸天汗漫游。

舟泊神戶卽景

初日扶桑豁杳冥。峨峨神戶不曾扁。港唇濤吼聲都綠。島齒雲嘘氣亦青。帆葉參差排積雪。石華搖漾散沈星。眼前儘有回翔地。願共閒鷗入畫屏。

卽席贈橋口兼之

小園香月集壺觴。豪詠能令四座狂。千里經傳僉蔭叟。七言詩繼賴山陽。龍吟海水通聲籟。鶴舞天風亂羽裳。一夕蓬萊齊爛醉。神仙有分傲秦皇。

東度青

破碎袈裟着手縫。靈山應有後彫松。眼前苦况奔蟲鹿。夢裏哀喧戰鬼龍。我日那能當夜出。人天難得好春逢。千回膜拜千回祝。佛自無言又曉鐘。

浮生疊和憶園

浮生百劫幻鑪烟。一度低頭一惘然。只覺此身如隔世。不知今夕是何年。槎枒酒膽張金谷。宛轉詞心託玉田。塵網十重纏莫脫。看人學佛學飛仙。

大舶凌風挾遠烟。浪游詩卷足淒然。袖中東海狂歌地。簾外西山惜別年。擊筑幾曾聞狗市。買書猶自夢神田。飄鸞泊鳳終無悔。能逐流雲卽散仙。糺縵非烟又是烟。卿雲一曲想當然。眞如夢幻黃金界。猶未分明碧玉年。兩部蛙爭喧閣閣。一羣魚戲亂田田。白猿歷盡人間劫。只恐難成紫府仙。苦戀吳山一髻烟。西施顰樣尙依然。偶因流水思今日。還向斜陽問去年。說法荒邱空有石。看花香海易成田。數峯江上青如舊。且自安排作隱仙。

滬上遇邵元冲卽送之奉天

寒雨踈燈申浦夜。與君脫帽一低昂。立譚快史宜呼酒。坐聽悲歌欲斷腸。

借往梨園

觀演嘉定屠城記慘劇

紅柳白榆遊子夢。金戈鐵馬少年場。何當把臂崑崙頂。笑看河流

一線黃。

得匪石鐘山唱和作賦寄

滅却鄉愁一展顏。眼前差喜見鐘山。如聞仙樂諧青鳥。且悟天機對白鷗。尋客

多才應競霸。參軍有語莫成蠻。訟庭我自贏花笑。判白批紅日未閒。

四日冒風雪。因事赴全椒。途經香泉口。占四絕句。

龍宮何必更求方。下有丹砂氣自香。疥癬雖平心腹未。已將功德頌神湯。香泉一名

平痲患皮膚病者浴之可已

昭明一塔尚巍然。題竊模糊不記年。笑我尋詩添掌故。雪花雙袖看溫泉。

小池八角石欄圍。男女湯分各掩扉。記得蛾眉山下浴。雪膚神女替更衣。予曾在日

本長崎蛾眉山。下浴溫泉一次。

濛濛一白水浮煙。潑刺紅鱗活潑天。占得溫柔原自在。憐渠從未識寒泉。泉中遊魚

多甚

風雪過夾山關。因憶吾鄉夾山竹林寺勝境。感觸賦此。

匝匝亂山峯。雄關扼要衝。雪花迷玉壘。風力破金墉。宛宛竹林路。沈沈蕭寺鐘。南郊舊遊處。回首凍雲封。

釣師

雪虐風饕淺水灘。釣師蓑笠不勝寒。蕭蕭白髮歸村去。三五鷓鴣荷一竿。

杏痴詩選

姜可生字杏痴江蘇丹陽人今錄詩十五首

羈客吟

顏子在陋巷。嗣宗哭窮途。廓落無友生。人情今古殊。獨酌新豐店。丈夫為飢驅。驚見鷹隼飛。鴻鵠下庭除。嗟余何所從。日月忽不居。西風驛路緊。歸心一片虛。

甲寅秋初飢驅南畝憑吊明故臣張公煌言遺祠天末書生慨世衰道微

思古人兮不見中情悱發遂賦是篇

丈夫怒叱風雷起。乘鯨飛渡三千里。匣中寶劍欲凌霄。狂來吸盡東流水。摩崖峭壁高入雲。啼猿慘慘不忍聞。古時賢聖垂遺訓。鳥獸不可與同羣。不見夫江水滔滔黑白分。至今遺老不忘君。萬山羅拜孤臣廟。我來千古吊英魂。淒絕兮

戎馬倉皇犯帝闕。故國山河盡失色。隻手直欲挽狂瀾。傷心未捉胡天月。旌旗重整會興戎。登高一呼四海從。賊子狡謀竟先發。柴市捐軀飛碧血。吁嗟乎。孔曰成仁。孟曰取義。文山而後胡烈烈。遂令三百年還過客聞之肝胆裂。

送影禪北行

江南說劍吹簫客。燕北橫戈躍馬兒。衰艸離離秋色老。征車鹿鹿寸心馳。照人肝胆秦時月。百戰風霜劫後旗。記取錦屏亭上曲。淚痕舞袖板枝姬。

將之南田夢非用李白流夜郎贈辛判官韻賦長篇誌別走筆和成二章
落日征鞭挂秋柳。千杯不醉中山酒。青山萬里走眼前。我馬虺隤瞠乎後。風流消歇三百年。壯士雄心冷鐵鞭。一朝旌旗翻五色。赤鳳丹霞落舞筵。人生際會有如此。山川寂寥按劍起。將軍叱咤天外來。蛟龍怒吼石壁開。越王臺畔雁叫哀。傷心此去去不回。

故宮眉黛隋堤柳。舉杯勸飲梨花酒。落花三月正逢君。樺燭銀臺人散後。劍膽

簫心一少年。青驄玉勒珊瑚鞭。雲英舊約付誰憐。翠羽啁啾月侵筵。生離死別本如此。山陽鐵笛因風起。隔牆輸送暗香來。丹心一點爲郎開。蕭郎飄泊江湖慣。落月參橫海燕回。

碎紅詞三十首之十

十年病渴未能消。聊把琴心試一挑。織就人天無限恨。柳絲抽盡一條條。玉影娉婷最可憐。巫山有夢總如煙。鶯魂無力傳消息。頻向東風問宿緣。天上星河欲語時。香幃寂寂漏遲遲。料應倩女離魂處。雙鳳淒迷淚暗垂。萬喚千呼總不回。兒時竹馬與青梅。荒唐月老姻緣簿。悞盡才人多少來。小桃落盡水東流。燕子歸時春已休。難懺龔郎綺語戒。還將小影葬心頭。珠箔銀燈笑語喧。美人含淚悄無言。此身甘墮泥犁劫。欲訴心頭萬古冤。新豐美酒滿金甌。省識郎心一片愁。但願山中千日醉。前塵影事兩悠悠。美人憔悴有誰憐。紅粉飄零二月天。千古詞人幽恨并。傷心難傍玉棺眠。

夜雨無端泣海棠。殘香賸粉總神傷。不堪此景成追憶。二十年來夢一場。
重理新箋與舊箋。幾回月缺幾回圓。早知簾外妨鸚鵡。不向山阿聽杜鵑。
揮孫詩選

張素字揮孫江蘇丹陽人今錄詩三十六首

擬李義山井絡一首

井絡天彭地勢雄。極天雲霧起鴻濛。公孫躍馬人何在。力士迎牛蹟已空。玉壘
山前花黯黯。錦官城外鼓逢逢。由來蜀道難如此。都在鷓鴣聲泣血中。

秋風曲

秋風日夕至。大海回波瀾。欲渡不得渡。始識操舟難。釣鰲者誰子。中流聞前歎。
水急那可磯。下有百尺湍。皇恐復皇恐。用以名其灘。忠信涉波濤。庶幾心所安。
錦城千萬里。杜鵑啼正酸。君看點點血。染彼草木丹。草木搖落多。天涯盟易寒。
秋風復何言。流淚雙闌干。

初秋送友歸江南

歸夢正悠悠。涼風萬里秋。故人今欲別。去雁與同游。塞柳笛中盡。吳波天外流。嗟予何所事。辛苦未曾休。

汽車中望松花江

開窗乍見水光平。漠漠春陰未肯晴。絕似江南好風景。一川烟雨畫中行。

舟中望吳淞

一剪吳淞水。船從畫裏行。岸回春樹暗。天遠片鷗晴。擊汰覘潮汐。乘桴熟送迎。綠陰城郭在。凝望不勝情。

海上贈亞子

與子十年別。文章今蒼老。所心在宗國。到眼有滄桑。握槊情猶昨。填詞興更狂。春江歌哭地。誰爲問行藏。我客關東久。神交獨念君。邴原驚鷄網。蘇武失羊羣。老去才都減。歸來酒易醺。

河山回。首望珍重。一題裙。

初至江南

塞北草纔綠。江南麥已黃。山村隱。圖畫鳥語替笙簧。雨過櫻桃熟。風來柳絮香。故園風物好。何事戀他鄉。

滬甯道中

萬里歸來傲白鷗。隨身書劍更蕭閒。車行細雨斜風際。酒貫橫林洛社間。市外炊烟迷處所。道旁鄉語聽來嫻。具區一水明如鏡。拂去征塵照舊顏。

車中望太湖

湖水碧濛濛。春歸烟雨中。山光爭出沒。帆影亂西東。天際波瀾闊。人間芥蒂空。會須來隱此。垂釣作漁翁。

題亞子分湖舊隱圖

人生髻髻事。八九無遺忘。腦電一留影。至老記憶強。而况山水佳。興味日以長。

覃覃每沈思。甯止千百場。乃知宇宙間。觀美美愈彰。幽懷並奇景。耳目爲之傷。我昔聞分湖。擅勝吳越疆。沿緣五十里。露白葭蒼蒼。就中足烟波。何用誇滄浪。惜我未往游。溯洄天一方。我幸識柳子。家住分湖旁。開門一飲噉。無往非湖光。柳子年少時。終日游釣忙。撈蝦屨已穿。捕蟹手若僵。掬水釀春酒。水酒同時香。童心竊自喜。壘石爲橋梁。屢被父老嗔。私念樂未央。無何遷梨川。屈指十七霜。至今魂夢間。依戀而徬徨。分湖之水清。不受塵一芒。北流注松陵。南流注魏塘。城郭互隱現。倒影凌汪洋。晦明風雨交。景色非尋常。柳子爲我言。所述亦已詳。環湖種榆柳。翠密若堵牆。當春柳絮飛。入夏荷芰涼。秋汎沈菰蘆。冬溜冰鏘鏘。俯尋游魚樂。仰視高鳥翔。四時愜幽賞。隱者所徜徉。夜景更奇絕。月白煙微茫。風帆疾於矢。歷歷歸村莊。樹杪明一燈。高與星點妨。誰歟爲棹歌。云有吳下孀。采蓮復采藕。古豔諧宮商。側耳神志移。彷彿游瀟湘。柳子更語我。文獻屬梓桑。此間多隱逸。名氏傳芬芳。元有陸輔之。詞稿付錦囊。碧梧蒼石圖。弈世猶皮藏。

明有葉仲韶。曾築午夢堂。二女皆秀絕。掩映湖山妝。一名爲昭齊。一名爲瓊章。風流與文采。前後如相望。清有郭頻伽。亦住湖西航。蘅樓尙可尋。窈窕餘軒廊。柳子今之豪。文學珍鱗凰。尙友及古人。雖隱計亦臧。泛舟范大夫。辟穀張子房。日向分湖游。那讓南面王。所以作茲圖。誇客娛琴觴。而我獨悽感。十載離故鄉。故鄉亦有湖。其名曰丹陽。焦子與杜墅。一葦俱可杭。綠波搖粼粼。蕩滌我肺腸。我家在湖脣。繞屋千垂楊。童年酷游戲。攀折成顛狂。往往明月夜。偃息已在牀。忽爾殘夢醒。屋外聞鳴榔。今對柳子圖。棖觸那可量。嗟我遠行役。艱苦亦備嘗。塵土積面顏。自媿羸且尪。湖山儻見之。亦復爲駭惶。持以較柳子。焉得相頡頏。而我蓄私願。將理南歸裝。貽書告柳子。便道來吳閭。更拉君好友。作畫者陸郎。訪君分湖上。點綴鷗鷺行。吟詩讀離騷。載酒呼餘皇。不然吊夢人。孤殺葉楚儂。

無題

臨江早弄漢臯珠。眇曼風流曠世無。自是慧心犀一點。畫眉畢竟與人殊。

人前共歎玉亭亭。鬥寵爭妍劇尹邢。但得愛情長不死。苦心敢自惜調停。
天花如夢倍依依。織得回文錦上機。十萬娥眉曾見嫉。漢庭新詔遣明妃。
不堪回首憶前塵。海上花飛滅却春。賸有綠珠身世感。剎那已作墜樓人。
翠眉深鎖幾曾開。但願人天懺悔來。妖女摩登緣底惡。夢魂應不到蓮臺。

感介推事

辛苦從亡二十年。仗何功力敢貪天。九閭虎豹嗟難近。一炬龍蛇事可憐。死日
山中猶有母。生時絲上豈無田。卽今惹得人間悔。未到清明已禁烟。

寄明星

轅駒局局受人鞿。日出憂讒夕畏譏。鮑照蕪城猶可賦。管甯遼海欲何依。陳書
幾見虛前席。射獵空餘短後衣。歷歷長城人萬里。牙門應識漢旌旗。
丈夫生自不爲家。骯髒聲中度歲華。豈有鄰人真竊鐵。漫疑海客與浮查。一雙
白眼看流俗。十萬黃金付狹邪。聞道北來吟賞徧。好將俊語續秋笳。

渤海中口占

溟渤經行慣。乘槎客姓張。雲兼鷗出沒。天與水低昂。海日三更曉。齊烟九點蒼。神仙何處是。回首見扶桑。

車過遼陽作

朝發大連市。夕次遼陽城。車塵轆轤間。旅客今幾程。此地在漢唐。往往爲戰爭。白骨積邱山。野草不復生。迄今風雨時。燐火猶縱橫。念古一長嘆。悲來涕沾衡。起視前路遙。隱隱聞鷄聲。

車中望千山

雨後山光淡。若無極天蒼。翠總模糊儻。教種得江南樹。一幅荆關好畫圖。萬疊巖巒斷復連。此中不信有神仙。遼東道士今何狀。日日山椒飲礦泉。

吉長道中

車塵載夢斜陽外。忽聽人呼驛馬河。一片田原蕃草木。兩旁山石起坡陀。客來。

遠道奔馳苦。地入窮邊感。槩多我向賈人頻問訊。鷄林詩價近如何。

舟中見月

海上一輪月。天涯萬里情。高樓人入夢。我獨玩空明。

得利寺

遼東一片海雲開。形勝天成亦壯哉。柘柳陰濃春社罷。牛羊日夕牧童來。山高勢挾長城險。石醜文留上古苔。得利寺前尋舊跡。幾家戰史委蒿萊。

遊竹林中口占

一徑窈且深。幽行入叢竹。清風忽然來。吹作海波綠。野馬眩日光。此間不知午。我懷王子猷。看竹幾問主。稚子何斑斑。笋根土中拙。甫愁礙行人。長大忽逾尺。竹下草如茵。淨不受塵塹。盈盈諸女郎。坐此賭挑菜。枝幹百蕭森。河流四環繞。願持手一竿。偷閒學垂釣。

江干夜眺

樓頭鼓欲起。雲表月旋上。零星縞寒渚。殘雪映夕漲。
籟蟹火垂滅。觸冰櫓微響。灘蘆界南北。沙雁恣來往。
撫景瞰林蔭。陶懷挹川爽。橫流水瀾瀾。鯁臆愁莽莽。
遙遙紫金山。悠悠黃天蕩。人物付杯酒。檣帆滿湖港。
世變方紛拏。予心向幽曠。何當遲雞鳴。竟去擊烏榜。

蛻庵詩選

陳蛻字蛻庵江蘇陽湖人今錄詩四十三首

懷靈隱寺

少年幾載住西湖。雙槳芙蓉興不孤。樂水未如蘇白智。入林曾與阮嵇俱。筍香
遠透千竿竹。飯熟偏甘一味蔬。自落塵埃過五十。清遊以外總模糊。
前生疑是此山僧。一入山中滌萬塵。豈爲桃源能避世。更非勾漏可脩真。林巒

乍看如曾到猿鳥。無情亦與親。太息當時輕作別。白頭終隔似湘秦。
尋僧訪臘說東坡。壁上題詩未盡磨。遠謫還能偕慧婢。行吟尙自感春婆。嗟余
一失湖山趣。去日全從愁病過。浪說遊踪遍海嶽。西泠舊約總蹉跎。

悟情

此鄉誰與號溫柔。一到情深便是愁。誰使微之托僧道。可憐小杜苦求州。是真
並蒂花無一能了。今生世有不怨綠啼紅。因底事。白頭還自說風流。

原病

情愁積久都成病。病去情愁又別生。綠滿池塘雨後草。碧熒幃幙夢回燈。茂陵
笑爾捐秋扇。垓下何人作越聲。欲待飲冰銷內熱。侍臣昨日賜金莖。

懷古

人間何處是吾鄉。只有溫柔未易忘。淘盡胭脂支江是淚。著些粉黛墨都香。玉鉤
夢覓橫斜路。響屨愁過宛轉廊。錦罽繡褉千萬卷。箇中檢點幾情場。

秋簾

晚涼日日上鉤時。紈扇生紗見過伊。消得幾天風共雨。更休隱約著相思。

最愁兩首

分明顰黛隔河看。欲訴離愁却是難。屈指秋期秋已盡。最愁心地到冬寒。銷魂還是有魂時。更不銷魂事可知。佛說色空真淺義。最愁空處著相思。

欵枕挑燈雨聲點滴到耳如僧寮。鬢迴念羅帳。江天鈴語斷續吟情往。

來宜其詩有夢境也

右軍一作誓。遂若神鬼知。已逝萬情水。悉被迴風吹。今願甯不實。往事非足囓。寸心有根柢。掩覆何所施。行行入曲徑。幽邃非所期。乍覺所期左。旋憶曾來時。花叢隔層障。不目而已窺。此中久風雨。穠華非故姿。關心最手植。一一同化儼。墜蒂冒叢網。霏英辭榮枝。憔悴豈伊刼。摧敗皆我爲。無聲亦於邑。對影增悽其。忘身阻奔救。樂死遲追隨。吁嗟情海波。汨沒乃至斯。天倪欲飛躍。形神渾接離。

處真莫忘幻。入夢非言疲。燃犀久無力。內照無所持。安能息外物。轉以滋羣疑。百年亦已半。雙鬢亦已絲。所思不可卽。甯惜身奔馳。奔馳恐歧誤。冥想無因依。身魂兩無就。不死亦相遺。窗前雨如語。斷續誰爲之。天問久無益。何況代以詩。

述夢

有夢都爲累。無情未是空。佛言因一念。我欲證雙通。自古都言幻。斯人未發蒙。殘燈亦如病。相對怯秋風。

足疾一百餘日九月廿三始杖行室中

競渡偏教足不前。以五月五日得病登高節過尙高眠。一朝喜免人推挽。十步能隨杖

轉旋。早已達觀忘四體。無如生世賴雙趺。頭頭俗事來心上。莫去塵根是得天。

悟徹玄微息息通。此身原有無中女。用陳夢榮女士句意飛塵滿眼悲歡過。逝水流年得

失空。便禮如來何世出。只除太上盡天蒙。啓衾知免不消說。誠到忘形是始終。

我兒從今未可除。不言無我是真無。鍾情莫漫區人已。大道由來渾實虛。當日

未。曾。生。使。獨。後。來。終。信。德。非。孤。七。情。淡。盡。身。何。倚。內。念。全。憑。外。物。扶。
解。腕。從。來。稱。壯。士。斷。頭。尚。且。有。將。軍。不。堪。脛。大。踰。於。股。豈。爲。臣。強。失。在。君。鋒。試。
倭。刀。將。見。骨。力。支。叩。杖。與。同。羣。屈。伸。非。比。無。名。指。便。有。秦。醫。孰。使。聞。
南。盡。交。循。北。大。都。豈。惟。安。步。可。當。車。一。從。寢。疾。呼。門。弟。久。廢。徒。行。僭。大。夫。失。履。
何。曾。驚。豕。立。攜。竿。權。用。代。鳩。扶。無杖以竹代問。年。未。及。杖。鄉。國。莫。便。指。磨。傲。里。閭。
危。則。相。持。顛。則。扶。此。君。原。自。不。能。無。桃。榔。未。乞。花。豬。換。筱。蕩。今。先。竹。馬。驅。漫。笑。
空。心。同。老。樹。諒。因。錯。節。免。枝。梧。皇。娥。若。肯。偕。游。戲。便。結。芳。茅。作。相。烏。

上紅拂墓四百

巨。眼。當。年。識。俊。才。可。兒。不。共。此。間。埋。錦。衾。角。枕。青。山。久。細。骨。輕。軀。馬。上。來。環。佩。
魂。歸。闕。氏。塚。釵。鈿。夢。斷。玉。妃。嵬。紅。顏。命。薄。終。如。此。愁。絕。南。征。獨。凱。回。
寂。寂。春。原。土。一。坏。烏。啼。花。放。盡。堪。愁。便。無。名。字。還。惆。悵。况。忍。才。容。竟。死。休。當。日。
知。卿。除。是。俠。可。憐。得。壻。只。封。侯。山。前。空。勒。征。南。像。不。畫。天。人。恨。虎。頭。

憶昔沈吟蘇小墳。西湖鴛水兩難分。蘇小墳一在西湖一在征南道出留遺跡。
西山有磨崖衛公像其扶病軍行補闕聞。只借汝南傳碧玉。肯教陽羨葬朝雲。
下永福寺為追薦而建風流最是人間少。華表休題開國勳。

文推房社武襄鄂。難定蕭何第一功。丞相堂前有天子。美人見慣似司空。春心
自為前因動。濁世誰堪侍者通。若說早知專節鉞。本來節鉞屬楊公。

忽念漢史人彘事。慘然久之賦此自嘲。

芒。碭。山。下。匹。夫。耳。何。事。天。教。得。美。人。東。海。降。封。應。不。忍。昭。儀。僭。禮。早。宜。均。易。儲。
積。議。徒。招。忌。少。子。偏。憐。未。是。真。笑。煞。安。劉。借。箸。者。幾。令。呂。氏。代。嬴。秦。

生前歌舞博君歡。種禍遺殃綫代安。但令周昌傳如意。竟忘呂雉嫉明紈。戚夫
名明處分後事能明見。忍使佳人為愛殘。世界烟雲今久渺。笑儂幾度為沈瀾。人小

自椽曹不辟而無賢吏自采贈為詬而多蕩姬上流所諱趨度有歸理固

如是也偶感此意率題兩律有知罪者矣

靈香飛去幾何年。只說吹笙鶴背仙。還幸瑤池有王母。可知忒利是情天。英華不列班家表。政徹都無神女緣。我夢鈞臺曾醉。蛾眉曼睩半長筵。書史猶存秦漢前。西風未許柳全偏。可憐漸漸。螻蛄瘦。但見沈沈。沈沈。蟲。蠹。眠。情海千年成涸濁。化城彈指幻塵羶。飛瓊綠萼存高趣。嬾到人間只住天。

俠少年

紫錦新裁短後衣。輕弓匹馬去如飛。金丸不惜拋千彈。粉鏡同看殺一圍。濫灑灘前浮急水。燕支山上立斜暉。歸來自帶幽并氣。不用奚囊貯翠微。

詠李黃

下中李蔡已封侯。猿臂將軍早合休。射虎北平。今石在。猶龍老子。繼風流。數奇幸免淮陰醢。力戰難酬宣室求。衛霍本因胡虜重。肯教一箭落旄頭。

春雨

冰雪消融萬木啼。商量正好典寒衣。天心不放花開早。土脉初添雨後肥。山客

分。蘭。篔。半。掩。船。娘。趁。渡。槳。雙。飛。莫。愁。一。夜。驚。殘。夢。已。隔。重。簾。况。細。霏。

夢棠陳女士往歲晤于西山承以詩相質許列弟子行別來逾年聞以病

歸頌傳逝世賦此遙奠

愁。來。身。在。有。無。中。用君早。識。傷。心。懷。抱。同。曾。弔。孤。墳。嗟。命。薄。同至紅拂慕己竟

移。噩。讖。到。棠。紅。乞種紅棠當籬落開時便見淚和魂子弔紅拂後賦呈史君采

識入君。名。生。前。尚。隔。死。何。在。夢。裏。如。逢。意。待。通。切。囑。雲。塵。都。莫。著。著。時。便。是。可。憐。蟲。

聽雨有感

羅。帳。燈。昏。不。覺。春。借。他。點。滴。數。前。因。常。時。生。怕。驚。人。夢。此。夜。誰。為。入。夢。人。芳。草

定。知。存。淚。種。落。花。何。處。托。香。塵。風。風。雨。雨。年。年。似。只。異。山。河。不。異。身。

斷腸

斷。腸。情。事。斷。腸。詩。比。似。春。蠶。宛。轉。絲。鐵。篋。緘。藏。終。出。井。瓢。瓜。飄。泊。豈。分。歧。欲。教

思。婦。今。生。兒。直。待。吟。窗。將。曉。時。最。是。叢。殘。須。檢。點。寒。蟬。咽。斷。夕。陽。枝。

十年

十年爛醉淚痕多。澆遍人間鳳尾羅。燈雨賺醒孤枕夢。旗亭誰付曼聲歌。絨藏鐵匣休鄭重。裹入天風暫蕩摩。陶謝飄零郊島死。此中精氣不輕磨。

精魂

已瘞精魂傍美人。情根休更出埋塵。思量終有蟾蜍在。檢點渾疑脉望眞。垂老枯枝生意盡。迴流瀦水蕩心頻。從知絕大如來力。第一先忘過去因。

次韻答鈍根

到處新知接古歡。循環糾纏兩無端。菩提慧可知非樹。嬾席阿難異達觀。自得風流忘物競。不求寂滅是居安。雲藍寫寄相思字。春鏡何年倚手看。

自題畫梅

我聞孤山之麓有一亭。都種梅花圍作屏。客來呼鶴鶴解迎。自許醉世能獨醒。獨有一語令我嗔。乃敢先我呼夫人。此翁一臥數百春。此花歲歲猶芳辰。爲此

我願改姓林。不然便改林逋名。媚花愛花與花親。一日百拜不厭頻。花神感我
愚且誠。夢中誨我言諄諄。林逋呼妻非其真。雋子一樹用一句。三十六樹供饗
殮。旨畜御冬妻御貧。無子勸舊更藝新。對客高臥恣啁吟。何遜東閣遂延賓。廣
平自許鐵石心。狂者狎我如風塵。矜者交我如相榮。惟君能妬爲至精。妬不相
怒能知心。我豈草木遂忘情。與君誓共死與生。折枝歸供宣磁瓶。非君所折息
覩聞。魂從君去君何嘖。明年非復今年魂。我聞花言淚滿襟。一生所遇皆如卿。
見時辜負別分明。纔見開花又落英。波迎風捲分溷茵。倏然賸我飄零身。吁嗟
乎。倏然賸我飄零身。

吳門訪鈍根不值

酒狂詞豔傳文渠。別後曾來一卷書。空向滄浪亭畔問脚跟。無綫是吾徒。
殘荷刪盡牆枯莖。烟水淒迷負好晴。到處酒帘招客飲。却愁醉後獨詩成。

梅生三兄相見海上出詩三巨册見示賦贈

與君兄弟五十載。聚合今爲第五回。家有太蘇詩乍見。客中二陸意同開。一春正好聽鶯柳。此地聊堪話鶴梅。寄訊少游還憶否。謂秦子質妹丈海天吟嘯挾風來。廿餘年前與子質同看日出於海船賦詩

亞子以久思乍見彼此歡然承邀飲酒樓歸賦兩首奉來

清湘運竹久。今挈早春來。風物惜衰老。客心靳轉迴。拂襟塵乍盡。含意語多裁。此是曾經處。新知共故杯。宴杏花樓昔常飲此

最有相逢感。難忘未見時。懸心隨月落。入夢逐雲移。一寸春暉過。三更燈火知。翻疑暫聚散。說有亦名癡。

贈亞子

自是詞人有別腸。相逢相合復相忘。君多含意因成吃。我惜餘情未忍狂。拚爲河山通夢寐。况今編簡共文章。記當醉看湘楓處。往秋偕傅王龔三君自笑浮生又一方。先讀君詞後讀詩。才情肝膽兩能知。轉旋天馬行空力。料量春蠶化葉絲。玉手

攜從揮麈罷。花奴催爲隔欄遲。君兩宴予不召紫雲殆深知杜揚州。今昔殊矣。兩峯清瘦人誰及。想見

吟窗並倚時。修到身爲才子婦不辭清瘦伴梅花羅夫人詩也。君灑佩宜有詩才。

贈曼殊

人間無地著相思。劃海分風杖一枝。那。悉。密。花。簪。帽。日。貝。多。羅。葉。寫。經。時。詩。中。早見維摩病。無法難消大士慈。君自沈吟儂自笑。不同哀樂只同癡。

海上送太一入粵

君行常萬里。一顧適云別。人生如飛塵。聚散非足惜。但怨華年催。臨歧意相訣。迴念去此時。惘惘無所適。十載仍生還。朋侶悉遙集。後豈殊前觀。揮手又倏忽。芍岩詩選

張懷奇字芍岩江蘇武進人今錄詩一首

頤和園詞

朱臺天際集鳳凰。九成避暑離宮涼。御龍河母昇雲上。玉堦瓊樹凋秋霜。圓明

圍火頓潮起。西控都門五十里。聞說鑿興送內家。慣看禁馬馳中使。雲欄月榭似南朝。斑扇常樓擁百條。六曲屏風雲母飾。九間殿柱水晶雕。鳳亭迴護仙霞紫。昆明池館巢翡翠。年高禮佛愛山莊。春老役靈移海市。碧水瀼澗遶畫廊。新荷五月出池塘。中書奉詔趨偏殿。學士承恩侍尙方。月滿桂花珠露重。龍涎細爇御爐供。玉勅還宮正賜宣。金璫返蹕誰陪從。鷹犬年年進九重。度支計畫仰司農。徒聞鄧后裁方貢。又見湯官索歲供。殤帝賓天安帝繼。三朝耆舊知開濟。玉佩臨雲帝座高。珠簾掩月天顏霽。花爛長秋風遞香。絳霄赤鳳正當陽。安知少子春秋富。但覺中興日月長。憂國杜根甘不敬。上書夜半謀歸政。宮中衣帶淚痕多。殿上縑囊膏血迸。外鎮先知舉事難。反將密計告中官。內廷宰相親迎旨。東市英豪痛毀冠。君王微失慈親意。奸邪乘間窺神器。流毒天驕濟北王。養癰計拙關西吏。痛哭潢池盜弄兵。豺狼當道白蛇橫。赤眉米賊傾畿輔。碧眼胡兒入禁城。輦轂倉皇深夜走。郊甸飢民不如狗。寢殿空虛戰士屯。雄關艱險將

軍守。從此阿房付劫灰。羗兵炊飯燒花柳。日落蟲飛蝙蝠羣。臺崩草長狐狸藪。荆棘銅駝倒殿門。途窮賀監泣荒村。官家棄國餘雙闕。大府勤王望九閭。華陰道遠詔西幸。天帝迴鑾泥首請。輦路生禾思故宮。山家獻麥悲新餅。歸車卷幘過天街。不見當年舊館娃。楊柳枝疎牽別院。梧桐葉落響空階。城頭髣髴鳴笳吹。耿耿星河宵不寐。對鏡黃門語昔愁。憑欄白髮流孤淚。涼月無情照鳳樓。清秋燕子不勝愁。重來傳旨徵方物。依舊通泉築御溝。沉吟五十年間事。太平誰定亂誰致。一條禍水出蕭牆。十丈妖星流大地。天津橋上望君門。絕世聰明履玉尊。何必金珠藏大內。枉將財賦竭中原。下方瘡痍懷蒿目。銳意還教興土木。春夢綿綿醒綠蕉。秋風瑟瑟催黃竹。牆頭細柳漾宮烟。小侯鶴立拖魚玉。衣監停傳冷翠裘。諫章空積殘紅燭。雙引湖龍天上游。名園雲物冷千秋。鸕梭織錦關宮樹。蛛網垂絲罨玉鉤。秉筆詞人詩作史。兵戈逃出亂中死。釀禍傳聞親貴臣。弄權憶得中常侍。宜凜冰淵一片心。防淫无逸意何深。和熹欲法女中舜。崇

儉皇家第一箴。

蘭皋詩選

汪文溥字蘭皋江蘇武進人今錄詩二首

題亞子分湖舊隱圖

一臥滄江歲華賤。徵詩羽檄急於電。五湖煙水動人思。蒼然照眼鵝溪絹。絹本丹青好畫圖。碧梧蒼石點靡蕪。洞外花迷隔秦漢。蘆中人去長菰蒲。指點兒時釣遊處。婆婆空牋十圍樹。樹上啼鴉斷續聲。寒潮打槳自來去。去住何心問轉蓬。飄零書劍尙雍容。吟成五噫堪偕隱。自製長編續史通。新居廡下同梁孟。舊宅衡門憶家術。謂有先人敝廬在。水繪煙波來入夢。夢遶清溪何處邊。分湖一碧水黏天。絳樹香埋桃葉墓。珠簾歌動木蘭船。鐵厓遊記從頭讀。正則行吟少陵哭。仍世築壇盟白社。一朝避地驅黃犢。回首風流前輩高。名園幾處比東皋。最是勝溪留勝迹。竹枝絕調擅風騷。卅年文采有凋謝。露白葭蒼南北舍。芳雪

軒空莽荻蘆。疏香閣壞餘穠。松陵直北魏塘南。又遇移家郭十三。乞得瀼西田數畝。離愁中歲髮鬢。我亦同君爲客者。故園夢雨空飄瓦。白雲溪畔舊浮家。願倩陸郎同此寫。前游往事總成塵。蕭瑟江關有幾人。皋壤寓言等搖落。中原何處著吟身。嗚呼吾鄉具區好雲壑。他日從君買山約。斗酒雙柑快聽鶯。扁舟一棹閒放鶴。湖水無情日夜流。蓴鱸寥落不勝秋。溪山儻得黃裘老。一瓢一笠吾何求。

子美囑題化佛化裝百相卽東亞子

我聞漆園入夢蝶栩栩。又聞太白舉杯邀月舞。如來無我無衆生。化身萬億菩薩提樹。錢君錢君仙佛徒。君卿唇舌淳于如。偶向人間弄狡獪。無相有相今之圖。虬髯一張怒如戟。回鶻縛袴龜茲幘。忽然窈窕垂雲鬢。肌理瑩澈藐姑射。大人變幻誰能知。非儒非俠非神。奇彈琴蹴鞠等閒耳。青天碧海鞭龍蟻。子陵仙去少陵老。釣臺無恙莓苔掃。長鑱七尺白木柄。荒江野客種瑤草。有時西笑入長

安。七貴三公取次看。千騎上頭擁夫壻。長衫沒髀隨奚官。丈夫得志貴不朽。撫
髀閒煞射雕手。一朝百萬策罷。鞭笞信合恣躡蹂。惜哉有材不有用。腐鼠鷗
鶻嚇雛鳳。左徒擊石浸江水。泉明乞食抱春甕。白衣蒼狗只如此。鈞天偶醉何
足齒。甯堪仙佛兩無成。青袍布襪誓從子。滄江臥看日杲杲。文通才盡愁枯槁。
苦。浼陸郎。丐我詩。何如梨里柳郎好。人生只作畫圖看。展圖援筆心茫然。他年
紙本流傳在鼠肝蟲臂空悲歡。

漫庵詩選

吳有章字漫庵江蘇武進人今錄詩一首

清宮詞

深宮置酒正酣歌。忽聽齊聲唱共和。一夢黃梁三百載。傷心往事悔蹉跎。玉門
憶昔長驅入。漢土無人恣踐踏。八面軍旗掩九州。中原處處佳城邑。上游形勝
據燕京。虎踞龍蟠繡壤平。土木不嫌財力竭。蓋珠宮闕錯雕甍。阿房殿閣輝金

碧。太液池臺映水晶。花開長樂春光膩。早朝寒戀七襄被。阿母開筵長壽康。仙
官擁仗從遊戲。綽約羣娥雜燕環。笙歌小隊多才藝。月窟初盈得意時。天家畢
竟歡娛地。更喜神州不盡藏。梯航山海貢琳琅。綺羅貼地遮塵土。珠玉生光飾
棟梁。萬家節食供遊宴。千里無禾促運糧。歛財更啓鬻官肆。輦載金縉求市利。
品秩崇卑有等差。低昂價值分同異。手縮金章意氣豪。持籌言利析秋毫。磨牙
吸取蒼生血。廷獻聊酬宵旰勞。羣黎屈伏慣如鼠。甯知一奮雄於虎。淵淵擊鼓
起東南。震動六宮淚如雨。宮花依舊爛春紅。玉筋雙垂染血濃。木槿敷榮愁已
夕。柳絲孱弱不禁風。淒涼燕語聲聲訴。似說明朝辭幕去。香泥冷落舊巢空。畫
棟雕梁不容覩。儘有銅山萬丈高。片時難買春光住。主人情重棄前怨。平決絕
還加參養恩。不知門外山河改。且喜桃源歲月新。若令早識此間樂。深悔當年
徒束縛。祖宗多事亦太癡。何必雄心勤遠略。心頭舊事付烟雲。慎護官家襁褓
身。安分且隨時命住。夕陽珍重易黃昏。

萬里詩選

蔣士超字萬里江蘇無錫人今錄詩五十首

輓遜初先生

流血竟五步。傷心此國殤。風雲愁黯黯。水月幻茫茫。申浦原吾土。桃源是故鄉。靈均應痛哭。誰爲遣巫陽。政海風潮烈。吾徒可若何。豺狼當道臥。魑魅喜人過。萬惡人間世。橫流大海波。回天終有術。誓起魯陽戈。

輓鄒亞雲

珠玉甯無價。文章自有神。斯人不可作。千古此離羣。心血嘔如許。風徽渺若塵。錦囊佳句在。讀罷涕沾巾。

鎮遠山行雜詩

水程行盡更山程。黔地風光陰更晴。不斷鎮雄關外路。亂山高下夕陽明。鎮遠山行

東巖已擅黔南勝。奇勝尤傳西峽山。懸瀑天風吹不散。排空飛下到人間。西峽

夜郎我自漫遊來。爛漫山花夾道開。聞道偏橋曾報捷。黔南山亦號雲臺。施秉雲臺

山

瑟瑟秋風楊柳塘。于今不見有垂楊。岡頭破寺頽垣在。古柏參天十丈長。楊柳塘

閒雲出岫本無心。飛去從龍不可尋。剩得巖頭雙瀑在。銀河倒瀉有清音。飛雲巖

瀑

重安江上重安驛。不見當年舊石橋。赤足短裙紅蔽膝。趁墟日午有花苗。重安江驛

巖石層層盡水成。黃花塘下水雲生。一般膚寸為霖雨。潑墨如磐翳太清。黃加塘

雨

石橋偏仄架魚梁。山驛前頭指西陽。澗水淙淙流不住。一泓宛在冷溪塘。

一隊肩輿得得遲。雲陰薄暮抵黃絲。五湖夢裏鄉關迴。孤館青燈焰落時。宿黃絲驛

谷濛關外晝陰陰。夾道叢林深復深。一路水聲山色裏。新秋古驛有蟬吟。

雲山疊疊路迢迢。石磴摩天馬不驕。懸甕山頭汾晉路。而今又上甕城橋。

市集煙林蔚大觀。異鄉風物數且蘭。城西大有南中景。樹裏河流嚮急湍。

山行到此豁晴雯。傑閣凌霄敞夕曛。王母不來香已散。人間何處更圖雲。

貴定縣其圖

出山海關

百年難得此身閒。渤海東來第一關。地勢平臨烏拉嶺。海光遙挹白頭山。炎風朔雪自今古。鐵嶺金州幾往還。飛輓如龍行絕迹。長征何日唱刀環。

出關至瀋陽作

榆關東瞰柳條邊。遼海人民異昔年。龍虎旌輝唐節度。犬羊俗化漢屯田。長城迥在西風外。大漠平臨北斗前。東望煙塵仍滿目。幾時返旆勒燕然。

百里森林闢大荒。不咸山北鬱青蒼。別開天地新窩集。憑弔遼金舊戰場。野敞龍沙胡月白。天低雁磧塞雲黃。不關獵火狼山照。叢木如燐夜放光。

戍樓秋望

成樓高不極。懷古一登臨。天險雄勾注。汾流下管涔。山光排闥入。秋氣逼城陰。斯世多王粲。當風聊一吟。

天涯難極目。寥落此登樓。南嶺攀熊耳。西崖扼虎頭。日沉太行暮。木落大河秋。汾水黃如帶。相看抱郭流。

輓丘倉海

海水臺南深復深。重來捲土負雄心。麻姑三見滄桑變。精衛冤銜萬古沈。

七子天南紹建安。當年牛耳執騷壇。編詩合署花王閣。為有金輪詠牡丹。倉海在戊

己之交有牡丹新詠截句二十首海內外和者如林

化雨東山啓講筵。素王法制中權厓。山千古留遺恨地。老天荒哭杜鵑。

人天離合付羅浮。仙雨靈風一卷收。獨抱宋明殘局感。中原漢族舊神州。

大纛鳴笳謁孝陵。漢壇依舊記重登。過江今日多名士。六代山河幾廢興。

嶺嶠人豪托隱淪。中原初樂歲華新。龍蛇大陸爭方烈。不作紅羊劫後身。

成連此日有餘哀。天末文星黯海隈。城郭人民今昔感。夜深應有鶴歸來。

題宣南棗花寺牡丹圖四律

壬子舊歷孟夏之三日漫遊長安往訪棗花古寺新雨初霽牡丹萎謝
惟歐家碧尙殘留兩蕊而芍藥則正怒放之時妙慈上人迺出牡丹圖
卷屬題圖繪于辛亥季春首題者爲無棣吳重憲並滿洲慶珍博如蓋
兩君亦以是日來遊而題者去年今日花事正繁今歲節候較早月日
同而花時已過人間老眼已輸與一着矣際此皇綱紐解大地春殘歲
月更新鶯花增艷貞元朝士半往析津瓊島奇葩誰人欣賞今春卷中
留題者非前清長安之冷宦卽民國江湖之散人僕也不才敢效豐干
之饒舌爰次漁洋山人秋柳韻漫成四律以應之

闌珊花事最鎖魂。迴憶春明舊日門。異術驪山新變種。小詩鴻爪舊題痕。

予于丙午

有崇效寺看牡丹絕句兩首東君歐碧猶留蕊。北地燕丹尙有村。

燕丹村在宛平北鄉

近侍祇今惟芍

藥傳來綵筆共誰論。

今日麻姑鬢有霜。滄桑影事孔東塘。不名已黜羣芳譜。分送應慳七寶箱。水際芳名標謝客。殿前異種退花王。人間老眼看誰得。譜到新聲白紙坊。白紙坊爲寺之所在

地
天香罷惹漢臣衣。北勝南強說是非。醉酒傳呼人不見。和酥分贈客應稀。可堪經雨聞鷓泣。無復遲明作蝶飛。開落唐花爭頃刻。逼人富貴意相違。

零落殘香總可憐。宣南日暮起炊煙。卷中異卉常留影。寺外垂楊乍脫綿。家住天津原小隱。人稱國色已殘年。會昌朝士慈恩劫。忍斷芳根墮溷邊。舊寺有青松紅杏圖

清初名人題詠甚多庚子之役爲邑人楊壽樞所得妙慈上人擬向之贖歸乃燃君強以歐家碧相易故落句云云

胡子寄塵賜詩謬承獎借次韻答之

胡子字寄塵。藐此長天長。息壤在何所。身寄廣漠鄉。世界一微塵。山嶽各低昂。炎荒日熾燄。明星夜吐芒。滄桑已三變。麻姑鬢有霜。人海正橫流。砥柱中流藏。

羨君逍遙遊，研此出世方。

北風起天末。申浦夜潮寒。歲月如川逝。已去不復還。九龍近咫尺。徒唱念家山。何如去北征。顧盼據吟鞍。陽鳥馳景白。胡馬嘶聲酸。祇教誅胡僧。驕子斬可汗。大漠何茫茫。飛沙日爲曠。玉門快生入。使我開心顏。

秋日百花洲絕句

百花洲上百花殘。萬柳堤邊柳色寒。留得敗荷花。數朵木犀香。裏與人看。東湖春色繫人思。一水瀠洄漾碧漪。容易秋風起。蘋末夕陽樓閣沈。公祠妾夫浮梁去買茶。湖邊第一是儂家。秋光砧杵聲中老。只浣寒衣不浣紗。春花秋月欠平分。秋雨秋風惱煞人。欲唱橫汾追漢武。已無十萬水犀軍。秋屏閣似滕王閣。南浦亭殊講武亭。今古滄桑多少事。山靈應亦感凋零。絕似明湖一鑑明。只堪容與與鷗盟。登臨攬勝詞人慣。洗馬池頭弔灌嬰。

題丘倉海羅浮遊草

南社叢選

人世有滄桑。羅浮有離合。山靈睡未醒。風雲自開闔。
天上有麻姑。人間有滄海。海水正羣飛。石爛千年在。

題潘蘭史出關圖

神京屏蔽古雄關。曾奪燕支塞外山。我是壯遊君更北。汽車聲裏唱刀環。
君是遊直

達張家口予
僅至南口耳

千古才人迥絕羣。潘郎詩句定蠶文。
定蠶有居庸關記磨崖勒後題圖去。筆墨都成塞上雲。

擬凜凜歲云暮

凜凜歲云暮。遊子行不歸。重城隔迢迢。雨雪想霏霏。欲晤路無由。此心良與違。
此心雖與違。恍惚夢見之。衣帶緊雙束。猶是舊腰圍。稜稜眉宇間。奔奔發容輝。
歡笑若平生。把晤入重幃。彼時情逾親。相對話依依。始夢以爲真。再夢知已非。
醒起思所見。前境想依稀。

舟出楓橋

春水初生似酒濃。棹歌遙聽唱吳儂。江楓搖落橋猶在。留伴寒山寺裏鐘。
梁溪吳苑隔迢迢。曲曲東塘不上潮。已是姑蘇城外路。一聲汽笛過楓橋。

五人墓

不欲求仁竟得仁。永垂義烈勒貞珉。綱常自足維千古。遊俠甯傳此五人。聶政
已慚爲知己。要離合并與爲鄰。英靈常在山塘路。當日懸知目怒瞋。

慧山謁泰伯廟

三讓端爲萬代崇。讓鄉今尙被仁風。世家已是魁倫序。人表何因止上中。吳會
橋坊巫吏祝。城田溝洫禹王功。至今梅里平墟在。遺塚皇山說不同。
西瞻勾曲幾重山。更托衡山采藥還。至德無名留廟貌。故封唯伯此江蠻。化行
商邑周原外。地在廉泉讓水間。祇有巢由堪比並。千秋如在渺難攀。

痴萍詩選

宋一鴻字痴萍江蘇無錫人今錄詩四首

寄鈍安

年時行處盡羊腸。便值花開懶舉觴。念子何由甘隱遯。累人畢竟是清狂。吳頭楚尾相思地。碧海青天懺悔場。樗散自慚生盛世。會須同咬菜根香。

和蘿庵鈍公詩一首

遺我雙明珠。逼我撞瓦缶。有教既無類。敢噤寒蟬口。沈思久伏案。捉筆不如手。軒窗明月生。依依筆尖走。起視心茫然。清風入虛牖。露重月影流。遊子忍回首。有言不傾吐。有夢亦云苟。夢裏子規啼。依稀認虎阜。虎阜不可歸。縫衣苦慈母。涕淚一首和鈍根

塵海蒼茫辦息機。淚痕揮不上征衣。龍蛇影事都蕭散。猿鶴蟲沙有是非。入世詎驚天地窄。聞歌休辨樂哀微。狂瀾手挽雄心在。莫漫興言采蕨薇。

新重陽夕大風感賦一首

蟹未登盤菊未黃。西風一夜作重陽。愁多銷盡雲龍夢。歲晚空餘弓鳥傷。河朔生涯惟鷓蚌。天南言論半蜩螗。故山歸去雲千疊。老我猶堪一放狂。

西神詩選

王蘊章字蓴農號西神江蘇無錫人今錄詩三首

雨後泛舟西湖扣舷作

一雨生衆綠。好山相對青。澹妝洗西子。清梵送南屏。鷗夢恬波窟。鴻飛亂晚星。欲尋漁父去。長醉爲誰醒。

題醉江月後一絕

桃花扇底大王風。白雪紅牙唱未工。一曲琵琶翻別調。亦兒女處亦英雄。

昨夢

昨夢渺何處。崑崙頂上行。一丸秦月小。萬丈漢星明。野竈淨如洗。胡笳凍不聲。血花爭酒豔。飛將捷龍城。

梁任詩選

朱錫梁字梁任江蘇吳縣人研究龜甲文極精今錄詩四十四首

白門懷古

秋風興感積潦困人跬步趨趨交通阻隔杜門簡出索居寡歡憶前度
之遊成詠懷之什頗裁新意不襲陳詞聲調多平仄失諧音韻或上去
同押凡絕句之詩三十二得篇題之目廿有三好行小慧知無補於時

艱貽笑大方矧有慚於曩哲戲爲耦語亦作序言

桃葉渡頭來。莫認青溪路。儂有雙槳船。問郎渡何處。
桃葉渡 昔年僑居與渡相近今亦不遠故首及之

有墩半山寺。不厭一再過。謝公不可作。如此蒼生何。
謝公墩

徐氏勝棋樓。盧氏鬱金堂。何物曾公閣。竊欲相比方。
莫愁湖二首

問爾曾國藩。何似徐中山。千古留名字。到底讓紅顏。
門外新立木坊上書曾徐千古四字

薄暮叩雙扉。一拳赤石磯。當年周散騎。在此讀何書。
周處讀書臺

巷猶存烏衣。人非舊王謝。匝月曾比隣。頰仰千載下。烏衣巷 辛卯秋冬之交

一帶繞紅墻。鍾山第幾岡。雌雄排石獸。翁仲立斜陽。明孝陵 三首

遷去誌公塔。改爲明孝陵。亦知皇帝貴。曩日少年僧。

華表穹碑壯。金棺玉匣榮。可憐馬皇后。同穴隔層城。

繽紛天雨花。高僧此說法。化作石子岡。不憊衆生業。雨花臺

花草吳宮荒。衣冠晉代異。鳳皇去何年。賸有鳳遊寺。鳳皇臺

宮井訪景陽。雞鳴寺之左。轆轤汲寒泉。修綆百丈過。膳井二首 四月二十日往遊雞鳴寺 偶問僧得

之十餘年前數尋未見城中六朝舊物只此而已

其泉甘而冽。其色非臙脂。想見陳叔寶。妃嬪同束時。

檜鑿泮宮泉。闌篆玉兔字。我雖居井旁。誓不飲其水。玉兔井

尊經閣不遠。恨我來已晚。總督西園中。見有重摹本。天發神識碑

終古石頭城。向人扮鬼臉。城外沙洲生。久失天塹險。鬼臉城

突兀紫禁城。雙闕東西面。刻石左掖門。三字今不見。明宮城五首。辛亥二月。二日攜子來遊。昔存門勝。

一石已無有。
憶登厚載門。女牆倚參差。剎那門烏有。吾身親見之。宮城四門。其北獨完。每女

間外窄內寬。乙未丙申之際。每來登陣。憑弔曾幾何時。不可復睹矣。

宮城方似斗。甬道出其南。有門凡十四。今日少其三。每方三門。並立雙闕。下則

五門。並立三月二十日。往孝陵。見北門。尙存。四月廿三日。至其處。則莫辨矣。

方丈城頭塼。三百青銅錢。屏藩撤東北。西南何舍旃。六月二日。詢自運塼者。在

一層平方一丈也。

我得故宮瓦。乙未琢爲硯。重來十五載。全瓦無一片。丁亥來此。都以丁酉去。今

十五年矣。中間已亥壬寅丁未及去歲。亦嘗來此。然爲日無多。或僅一宿。未一至京城。

碑亭御溝北。螭坳灑血痕。地勢非前殿。應是皇極門。血蹟

前湖紫泥填。宮觀營燕雀。城東水一泓。依舊尙如昨。燕雀湖

後湖名玄武。南朝習水軍。荷花十萬柄。荷葉亂紛紛。玄武湖

昔日朝天宮。今日素王廟。傳聞龍蛻藏。黃屋日光曜。朝天宮。明高皇帝實殯萬歲殿下。趙秋谷有歌行。

述其事

鍾山與盍山。兩箇飛來翦。鎔鑄并州刀。翦盡尾形辮。飛來剪。七月三日之朝。天宮後山尋覓已陷。土中

僅見尺許。爾在夾杆所用。二石版之直。北亂冢間。

塔毀留鐵鏹。龐大無所用。用之烹民賊。可救萬萬衆。報恩寺塔頂

步出長干里。來往長干橋。橫塘人不見。秋水風蕭蕭。長干

此一衣帶水。云是暴秦鑿。去此二千年。猶能劇作惡。秦淮二首

朱雀航邊路。人人濟乘輿。橫流不可遏。吾亦歎其魚。

矮屋千萬間。留此胡爲者。若以處菑民。視之猶廣廈。賁院

非吟懷古詩。藉澆胸壘塊。記取庚申元。四十六辛亥。自題。庚申元見史記十二諸侯年表。

白門詠史十首

金粉南朝事久訖。重來弔古此婆娑。中宵短什長吟罷。秋色淒涼感慨多。

終古石頭城不墮。江東建業大功垂。雖然陵墓殘薪采。碧眼孫郎是可兒。

絲竹東山謝安石。風流裙屐自翩翩。一枰殘局留江左。尙賴支持過百年。

風雲芒碭寄奴生。誰使江干胡馬行。壞却長城檀道濟。可憐謠諺石頭城。

蕭齊事業費商量。畫腹居然作帝王。一姓匆匆才二紀。也須家國話興亡。

雞鳴埭上乍經過。何處臺城莫問他。捲地西風吹不已。聲聲入耳訝荷荷。

休矣乞官陳叔寶。至今誰唱後庭花。江南結束偏安局。絕色我憐張麗華。

沈沈徒含切殿影照秦淮。後主詞場亦霸才。幾度內橋訪遺跡。故宮難認却餘灰。

唐南

驅逐胡元終遜國。祖孫先後兩浮屠。酌年宮禁塵封後。點綴弘光一酒徒。

獸蹄鳥跡滿中原。詠史詩成已斷魂。過去太平天國事。殺青應作一朝論。

辛亥七夕弔楊篤生

朝南 孫吳 東晉 劉宋 蕭齊 梁蕭 陳氏 洪明 氏

萬言譯著墨猶新。近讀記英國工黨與社蹈海魯連不帶秦。顧我心腸渾似鐵。
爲君涕淚卻霑巾。堪憐赤縣傷三戶。那得黃泉贖百身。故國招魂向何處。暮雲
天末望英倫。

題巢南拜汲樓詩集

壁水盟心久。璫章入手新。匡山風雨夜。歇浦燕鶯春。愛國緣多難。論交最率真。
垂虹亭畔路。高詠有斯人。

天笑詩選

包公毅字天笑江蘇吳縣人善小說今錄詩十一首

上海竹枝詞四首

白茱黃蘭顛晚風。碧油車子瞥驚鴻。衫兒袖短釧兒重。看到扶桑不肯紅。紹興
有一種似皂而淡者名曰不肯紅今日本有一種綢其色正與此相
類吾國閩人又多趨之染織之學不講又奚怪天孫之失其巧耶
半臂輕裁蟬翼紗。襟兒一字盡盤花。如何密作同心扣。扣住儂心不憶家。一字

肩向惟男子服之京朝士夫行之已久今則流行於女界中蟬翼紗古有是名
惟黑色尙焉邇來又新翻花樣各色均有海上繁華來遊者恆有樂不思蜀之
概不獨劉阿
斗之忘情也

香賓佳釀醉流霞。閒向天街踢月華。夜靜人稀歸去也。倩郎扶上自由車。
上海
閨人宴客亦以香賓一酒之值幾傾中人一歲之資脚踏車一名
自由車近日女郎亦多擅之習此者恆於空曠之馬路夜間踢之

小扇玲瓏玉腕涼。聚頭佳讖畫鴛鴦。檀奴宛轉懷衫袖。刻骨相思透骨香。
上海
盛行一種小扇長不過三寸象牙玳瑁之外又有以檀香爲
骨者餘香一握頗饒風趣有人索題拈此二十八字報之

味蕪園賽珍會雜詠七首

白羅帕子繡芙蓉。兜賣人前暈玉容。三字温存做好事。語音清脆是吳儂。
各閨

繡帕香囊兜售者最多逢人輒曰做好事人感其慈善之心多購買之

酣紫嬌紅貯碧筠。茶闌酒幕小逡巡。不看花面看人面。珍重羅襟扣一輪。
各女

筠籃貯各色鈕子花每枝僅一角兩角大家閨彥均作賣花女郎爲江淮飢民也

羅襪弓鞋小婢扶阿誰。人引出迷途盤旋宛似穿珠。狡獪嗔他八陣圖。
會場

諸葛武侯八陣圖入此者往往迷不得出婦女之織趾者大受奔波之苦呼爲促狹弄人之物

萬能電氣倡西歐火竈風鈴太自由。慕地忽聞獅子吼。教儂一步一回頭。電氣

屋電燈電竈電扇電鈴無一不用電又有一電氣叫子作獅子吼聲每有婦女行近其前輒按其機關作吼聲也

昨宵半臂喜新添。不薄吳綾與越縑。莫把儂身比屋宇。壁衣纔罷又窗帘。上海

好穿舶來之品輕綉重錦人謂是歐州人製壁衣窗帘之需者亦穿諸身上適爲彼中所笑也

纖手親調一餅茶。春風開遍自由花。可憐淹斷藍橋路。玉杵瓊漿莫浪誇。會場

女子茶社名禮茶諧音頗似海上西餐館也當墟者均女學生等

相逢我欲喚眞眞。心裏穠春亦夙因。最是低頭佯不見。却來簾底暗窺人。上六

已盡矣復添此詩徒增惆悵雖然似會相識無可奈何不刪風懷是我本色

瞿安詩選

吳梅字瞿安江蘇吳縣人今錄詩三十四首

題天香石硯室碁譜

我生三十無一奇。止能飲酒不能棋。枰庭嗜棋兼嗜酒。示我圖譜邀我詩。頗聞
棋訣在善守。心細如髮才如斗。斂邊豐腹審四隅。布局落子無其偶。就中變化
千萬殊。難索解人祇自娛。方四聚五虛心法。圖經散佚傳書無。近來此技等捐
棄。製譜行世談何易。四大家法半淪亡。棘門灞上真兒戲。枰廷嗜棋二十年。鏤
肝銖腎不論錢。前生定是劉仲甫。巾角彈棋賽謫仙。烏乎世間萬事皆有癖。使
盡心兵書成冊。長安時局正紛紜。嬾向人前分黑白。逢場莫作不平鳴。當局者
迷。旁觀清兔起鶻落。龍蛇走千古。河山戰一枰。我欲去尋橘中叟。力學三年便
國手。他時一棹指梁溪。與君賭棋再賭酒。

自題風洞山傳奇八絕句

睡月堆煙淚不波。青衫情味奈愁何。橫磨劍與坤靈扇。恨事人間爾許多。
一樹冬青弔國殤。牛車泥馬指南方。漢官遺制無人識。窄袖蠻靴時世裝。
枉說嫖姚大將臺。昆明浩劫早成灰。沙蟲猿鶴啼秋月。可有鶻魂入夢來。

戎馬河山戰一枰。哀絲毫竹不成聲。上書未見庚申帝。苦費當時轉六更。
一片降帆事可哀。中原誰築螭龍臺。西曹鑄就飛霜獄。十二金牛挽不來。
井水湯湯咽古愁。紅牙且自按梁州。秣陵山色珠江月。不抵厓山一葉舟。
建安詞筆荒唐甚。值得遺民帶淚看。野史亭中秋草沒。桂林雲氣勝臨安。
十載填詞苦耐貧。說龍諾虎亦前因。文章莫向西風哭。可道知音尙有人。

馬鞍山麓弔劉龍洲墓

彘肩斗酒渡江人。南部鶯花每愴神。老去相如容易倦。不堪重唱沁園春。
狂心醉哭壯心酸。絕調欣逢辛幼安。故國誰憐天水碧。玉山佳處幾盤桓。
伐石難尋元美志。題碑久佚鐵厓文。西風茸帽登高節。黃菊開時一哭君。
讀尊農碧血花劇卽集劇中語默題四絕

除却溫柔不是鄉。生憎無福到鴛鴦。滄桑世味何人曉。莫向春風問短長。
死別生離百樣磨。聲聲行不得哥哥。紅冰碧血安排妥。我亦聞歌喚奈何。

一夜西風送落花。年來怕過玉鈎斜。眼中多少知音者。金粉飄零黯暮霞。
淮水興亡咽暮潮。國魂好向美人招。鍾山王氣驚飄蕩。何處重尋舊板橋。

檢點四首

紫鯨怖鷓有微溫。自拜情天懺綺魂。白紵三千纔譜曲。碧城十二未開門。雲封
桂窟秋無際。月暈梨渦夜有痕。檢點平生惆悵事。不須芳草怨王孫。
燭龍彈淚徹。堦除簾押銀葱捲。未舒熙載心。懷甯乞食樊南詞。賦尙傭書情場
竊渺忽忽過。法界華嚴了了如。九曲屏山人不寤。一庭深露濕蟾蜍。
荊卿七首竟通靈。雪憤魚腸恨血腥。吉網羅鉗閑閣納。斧聲燭影隔江聽。爰書
磊烈魂何壯。鈞黨株連事忍經。獨上東臯懷故邑。皖公山色尙青青。
窄窄銀河又暮秋。不情風雨苦淹留。天寒易水何曾渡。日落娥江悔不投。劫懺
紅情工寫怨。豔飛碧血慘埋愁。風波亭下窺霜急。一笑曇花悟得不。

莫更二首和小洲

燭燼香消共一舟。綺窗如墨翠春愁。驚心夜月窺人小。瞥眼秋波迸雨流。濁世文章增涕淚。中年絲竹動朋儔。阮咸莫更當筵唱。孤負蕭娘記曲籌。碧紗帘下暗香浮。夢影微茫散未收。孔雀東南纔避地。頑雲西北又高樓。雕籠不許藏鸚鵡。珊枕何妨碎虬蟬。便是相逢成隔世。荒唐鏡誓幾生休。

偕小洲過明故宮

一抹青山認故家。絲絲衰柳尙棲鴉。洛陽風雨燕臺月。併作金陵頃刻花。明祖都南

長陵都北而由崧又繼祖武於南同此頃刻耳

桃花扇底訴飄零。禾黍高低蔓草青。試向通天台上表。不關恩怨孔云亭。

步北城獅子山訪閱江樓遺址不得

六龍曾此駐雲車。何處重尋帝子家。千載長江流別淚。不應憔悴宋金華。

讀吳梅村秣陵春樂府

秣陵春色愁如許。知爾蕭條身世悲。法曲淒涼誰按拍。不堪流涕說興衰。

金華殿上題名日。白袷飄然一少年。老去填詞多感慨。龍髯攀泣渺南天。

讀尤西堂鈞天樂樂府

青衫似草可憐生。獨自崎嶇上帝京。莫怪年來頭易白。憤王廟下淚如傾。
文人口孽在詞章。暮雨瀟瀟午夢堂。千古蛾眉同一哭。還魂記與返生香。

讀朱素臣秦樓月樂府

舊家詞客數吳郎。哀樂中年鬢易霜。記取玉簫來世約。虎山山下碧雞坊。
瓊花終古豔江都。重譜虹橋仕女圖。十里隋隄曾走馬。不知陌上有羅敷。

信陽題何大復集

列地聯京雒。雄城控義陽。中州文物盡。餘子態耶當。正始流風沫。奇才吾道光。
平生憂樂念。不獨在詞章。
射策承明日。蘭成最少年。文章超北地。旌節壯南天。控疏風雷縈。傳書內外篇。
海峯憑弔處。悽絕玉耶泉。

一代名山業。成弘據上游。宗風思歷下。後起孕弇州。大雅今難作。斯人不可求。蟬蛸爭撼樹。公論足千秋。

卷八終

目錄

上海图书馆藏书



A541 212 0016 5453B

308583